

嶺

南

羣

雅

嶺南羣雅

番禺劉彬華藻林輯

黎簡

字簡民號二樵順德人乾隆己酉拔貢生著有五日四峯

堂詩鈔

玉壺山房詩話二樵山人詩書畫靡不精妙在嶺南四家中尤爲海內推重顧足跡不踰嶺以明經終其於詩天姿既超又益以孤往之力成其獨造之能窮峭深警新響軋軋見者咸歎爲吟苦而不知其詩才絕敏總幽鑿險之語援筆立成蓋神乎技矣王蘭泉先生湖海詩傳於粵詩家採二樵之作獨多謂藥亭以下皆不能及云

入羚羊峽寄閩人

清江連白沙秋晝如月色蒼然暮帆影涼風轉秋碧舟行入青
山青立天石峽雨去却來山颺順還逆哀狖遞雲屏清切不
可極遠峽已十里隱耳淒不息端州萬家夢上有孤月白是時

水村夜知復當窓織星露江上草草根蟲唧唧復唧唧吾
聞汝歎息歎息不能夢有身無羽翼

鐵壚頂

絕壁小鐵圍壁根窈虛牝奔流趨叢壑水石鬪古忿上流穿石
鼻盤絞鐵牛糾抱舷趯短篙入水振橫軫舟住石飲鏑舟去石
嚼臚頗怪東逝舸捩舵亟風隼笑指我西去動若蟲蠕蠕風日
彼流利波濤此安穩知一不知二齊末爲循本他日東曰歸西
顧悲往蹇

鼓湧灘

是灘又名應灘舟師
云吟喝則盤渦起

舟人輕風波至此慘不語脈脈奔長江畏色自太古上舟鈍若
石下舟猛於弩盤渦入地叫聲過十里許北風吹木葉神氣棲
破宇孤援鳴空山漠漠日色苦西江三百灘是已一二數昔觀

李尙書鑿徑濟行旅慘淡石見血無乃蛟龍怒惜哉水不尺勞
深力無補我生固習坎何如此深阻危襟坐如夷洞然見肝腑

龍門灘

西江幾千里有力使倒流瘴石張厥角直欲礪我舟竹纜如枯
藤裊裊山上頭失勢倘一落萬鈞亦浮漚潯州兩江水其北導
柳州上逼銅鼓灘下握相思洲龍門在其中神物居其幽往往
一夕泊曉不辨馬牛龍堂洞壑夜徭天雲雨秋緊予屢經歷不
爲風波愁肅然慎前途毋爲二人憂

邕州

岷岷荒城畫角哀滔滔急水白沙顏不勝今昔親垂老如此風
烟我再來幾箇遊人非斷梗是何名岳入邊陲故鄉倘有羅浮
月可許幽輝滿鏡臺

望仙坡最高樓

在眼山川故國情
崑崙寒翠古城短長道路供離別
少壯交游半死生
雲色黃茅秋瘴盡沙光碧玉暮江清
平安郡邑南征後偶問途人不說兵

有嘆

邕州八月之漲

水出萬山鳴天低一掌平盤渦翻大樹缺岸陷孤城
覓屋餘墟社逢人問死生
武夷深不測辛苦憶南征

送別

草長蕩春愁春江水急流
桃花兩岸雨天末一歸舟
同日遠爲客當筵難重畱
崑崙他夜月相望各回頭

南霧

南霧萬物濕西雲千丈高
此身有大藥無病取微勞
識路非老

馬歸心歌大刀江流日以急書札限風濤

春寒

盲風伏雨捲邊城城下波濤氣不平一枕春寒閨鄉夢千家人
語入江聲沾衾搖落關楊柳破被尋常得弟兄仰愧營巢老鳥
鵲拮据身爲護雛輕

邕州城樓

歸心東與急流爭又見飛帆西去程知有年華在前路可教人
事但長征雲移日影流山色風挾江濤入雨聲此是吾鄉好時
節水村茅屋罷春畊

出北郭至望仙坡

北郭風花遠野香空處飛偶然入小雨不覺濕春衣久客足遙
望古臺橫落暉臺高一峯頂人立四山圍

景風四章

翁翁景風言披我襟庭柯既靜交鳴春禽日暮動酌勝理難尋
白雲自來海水亦深

翁翁景風吹萬斯悅時物與人愛此嘉節朱暉在天綠華明潔
情以和守理以近洩

翁翁景風有懷在人在人爲欣於物爲春宜語宜默斯夕斯晨
事諧靜見情同氣均

翁翁景風言翁于郊青原百里以佚以姚日與物遇賞與天遙
和平在懷莫匪春朝

小園

水影動深樹山光窺短牆秋村黃葉瓦一半入斜陽幽竹如人
靜寒花爲我芳小園宜小立新月似新霜

寄黃藥樵

牆頭暮鴉飛不起鴉背松聲冷於水如山北風壓破屋拍枕大江浮兩耳窓竹偃蹇欲折樞急雨落瓦寒有稜饑鶻嚙嚙狀嘯鬼紙窓琅琅如裂氷風頭愈大雨點重松子踰時尙跳動燈危在壁寒不明心戰如波靜還湧我憶滇山西遠征氷天苦月寒崢嶸兩奴爭被靜一閨獨馬戀人悲自鳴身勞歸惜妻拏苦裘敝倏驚年歲更煌煌肥馬從朋友站站飛鳶閤死生還喜爾情過絕以病示人無病骨明日梳頭視青鏡今夕苦吟得白髮莫思廣厦庇衆寒少陵詩翁古迂拙

聽吳客作吳歌二首

錄一

千里東風長綠蕪江南春似廣州無一般冷雨蕭蕭夜不獨傷心爲鷓鴣

徐天池怪石松樹歌

元冥一角塞雷雨虛壁動盪風吹衫怪君終歲坐陰磴不許白日窺元談高摩神霄出盤屈宵刮鬼窟搜嶽嵌天池丈人未飲酒真氣索索如慙慙灑然一醉眼岬崂撒手絕壑笑掀髯大呼外垂數分足呼得矯矯龍移潭鐵嶂泐裂無留行上逼真宰翔帝驂騰蹕欲上不可上其尾掉脫厥首銜裴旻仰天劍墮面白霓千尺投空函天低地昂向落日魯韓之戰方癡酣天池有筆力如此樵也有臂猶能擔我有古紙濶三丈亦有筆似木柄剗直須面壁掃一幅是真畫也無多慙爲添一箇百歲僧趺坐樹下如瞿曇憶昔邕州逢石人石人天台僧顧頽壑壑睢巖巖神光睽睽照夢寐欲寫我見此老堪大阿羅漢得此老肉眼亦不夫夫凡自言秦皇避雨處老木奇鬼毛彡彡天門半夜嘯風雨山岳

震動滄雲嵐老僧好奇此三宿百怪攝我吾能戡銅青鐵黑樹
欲死不死亦有化者監行將金庭石橋南訪此髡者之窮庵風
濤翻江冷灌頂不聽以耳冥而參

刀歌

粵西得刀鐵雲南治刀裝廣東買鮫胎鍛者閩兒良邕州王郎
昔所贈謂我深入宜提防貂尾大帽峻耳馬送我曰之黔貴陽
是時行者在道旁視我氣色飛邊霜黔山濛濛四時雨雲氣竟
月蒙衣裳深林絕谷黑路滑伐木取道排樛蔕走匿已踟一跼
鬼叫嘯曾肉雙女狼醜苗自恃好身手大環漆鞘三尺強蠻奴
赤眼肉碗礪使與一試逞所長陰風冷漂兩雪練白日緊繞雙
虹梁刀色抱人不見人人乃聲出刀中央千匝不放一喝止既
止眼眩猶飛揚拱手作禮俯首視視彼刀刃成鋸鋸凌朝打門

語詰曲。牛肉白酒。慙晚將。自從護身還故鄉。不以凶器驚殊方。
幾年魂夢安古屋。一隙風雨懸高牆。幽燈睽睽試拂拭。腥蘚古
血交蒼黃。鵲巢已絕金川羌。山東獻俘繫名王。武庫青紫毀其
光。龍虎夜氣成吉祥。東流湯湯粵海水。蛟龍中怒風濤狂。沉之
千年無再揚。神物自合山澤藏。我去采藥騎仙羊。

村飲

村飲家家釀酒錢。竹枝籬外野棠邊。穀絲久倍尋常價。父老休
談少壯年。細雨人歸芳草晚。東風牛藉落花眠。秧苗已長桑芽
短。忙甚春分寒食天。

夜酌

餘花裊幽風。病香暗無影。寒空破纖月。怨禽齊作警。離心對愁
杯。安得不獨醒。綠苔八戶濕。涼露在眸冷。春去如雲飛。一夜人

陽靜

花手寺一宿贈志師

志師老好奇深目顙見骨自言獨拄杖五去觀日出青囊裹松
子一去住一月久吸東海霞金光入毛髮延我松下石索我騁
畫筆高望雲中山奇怪窮我術乃爲作平遠自願避岬崕遂爾
破酒戒高眠共禪室朝來別堂上雲氣濕古佛

華首臺後至洗衲石

并小序

華首臺之路四五里不見天日葉翠滿衣拂之不去
觀雨花橋之水若殢山怪雲至臺臺平至堂堂折自
香積廚沿筧得逕爲合掌巖巖左側落爲洗衲石石
故坦坦飛泉照人於是與同遊二子臥石上時青天
空寥白雲未急幽鳥一聲山翠已落

登頓倚靈跡隱見覲神構陰竊風雷蓄陽林笙竽奏鐵石積古
寒玉條媚今秀造物視詎給化跡信不謬虛堂清饌睡夜點誤
崖溜淪茗持露重披衣擁雲皺紀辭待後感燭壁惑前鏤凌晨
續竒步竟日索異覲冥冥烟蘿嘯至人詎能邁

東坡亭寫東坡於亭壁

我尋東坡亭實欲尋東坡伊人棄予去斯亭爲誰過石泉自昔
在風葉經年多白日素壁冷懷望山之阿面牆奮我袖落筆乘
迴波生氣颯風吹雲光下岷峨長姬立朝雲昭質結怨蛾空山
夜松聲月暗來斷歌風雨有圯塌魂影依藤蘿

白鶴觀登五龍潭上玉女峯

遵水出觀側攀石上亭脚坐疑潛龍怒水勢憤逆落空潭貯元
雲深光入青嶽山半偈取徑古篆壁對削橫行跨潭顛長橋臥

大壑日色耀積鐵俯視眼火鑊土人曰行經一橋盡仰觀孤峯下鐵橋弱娟娟杳離立娜娜態欲却登陟綠右袂息憩臨巒角始驚飛雲高猶似地下度已見東逝川一綫曩空廓

。水簾洞

千百石疊迸滙此一簾水清寒先迎人去此尙一里懸雪薄不破奮雷伏難起靜極入山客雲水勞未已想見洪荒來空湧遂至此崖藤老盡力石樹凍半死棉裘凜稜鐵骨戰及吾齒投暄出陽阿回顏有生理

。延祥寺至寶積寺

泉壑投延祥松麓上寶積俯窺無底雲却立千丈壁東峯忽深黑雷霆迸虛石雨來挾飛瀑聲與萬松敵長雲過人頂急步脫我屐山寺已閉門叩關者何客回顧所來處漫漫不能識老僧

呼洗足雖禿抱衣炙旋尋池洗藥復究泉卓錫

檢亡友陳覲廷手札 觀

簡昔居西蠻數與陳觀游蒼蒼大野平高臺浩然秋客舍坐不厭去住三載畱誓將爲兄弟並舍居羅浮惻惻予東還握手當河洲嗟哉大江水作此無窮流人生易終極後會不可求病札與我訣病坐蒼梧舟題濕已爲鬼魂孤何處愁生常辛苦年死竟自去休邊風吹紙旛清波影悠悠我病君鋤藥長櫂荒山陬日暮泥足歸寒鐙照床頭君病我不知呻吟寡無儔無儔遂至死已矣吾負羞陰氣吹寒房展篋涕兩眸陳人剝新語故交多舊邱感此增忡懷壯歲集百憂

寄謝少白都閩

龍門春動看潮來鬱勃風雲挾暖雷長劍短歌真將種海聲旗

影大行臺夢殘漁艇遺詩卷花絢仙城負酒杯肯爲狂生引弓
手射魚吾欲到蓬萊

寄潘振之邕州

近夢蒼茫尙遠遊佛桑花上萬山樓邕州客樓士龍吳下惟宜笑王
豹河西莫善謳五嶺壇臺詩有鬼三江風浪石沉牛饑年過去
還思痛青眼遙天汝白頭

寄潘茂才

潮生潘結昏陳氏女女見潘漢書以金釵換之未嫁而卒潘感其事爲繪圖所買書

今歸潘氏

一軸金釵買史圖讀時相伴夢時須閑居白首應潘岳風葉丹
心有小姑憶我苦吟成島瘦避人尋畫逼倪迂煩君是處真傾
側好色憐才兩事俱

問藥樵遺詩

頻年哀輓最傷心死別流年日以深
桓鳥析羣知善哭巴猿刻
意在哀吟已將饑餓遺家事
未免朋儕負夙襟直到畢生難塞
責不勝迴義繫人琴

七夕還村莊作

人間此傷別予得偶然歸星月柴關掩釵鬟螢火飛拙辭須倍
乞深露語相依河漢盈盈水含情舉臥幃

予嘗作羅浮觀日圖贈周道士今日忽欲復作此圖寄
何徵士勤良爲先作詩寄之

羅浮欲雨天突兀暮雲晚山辨不得不知一夜雲化水洗出東
南半天碧二樵山父黃葛衣踏曉獨開山上扉夢然冥海萬里
黑中有滄涼紅百圍赤明道士亦好奇獨愛此景請畫之畫之
別我向南去衡岳洞庭行挈隨此人今已雲水杳此景恐爲人

世知我亦出山忘誓辭畫亦彷彿不可追可憐牛馬走塵土更
復身心傷別離何郎昔訪我對我終日坐歸去橘柚鄉別我一
載長秋風幾日吹綠草盡捲江聲入懷抱心尚波濤定後驚身
向朋儕最先老榮名願及饑時貴絕技原非死前寶昔寄畫一
紙畫山不畫水詩見前今乃更一端畫水不畫山要令碧海洶湧
日破爾粉壁青苔閒於陵先生夢葵食夢亦傷廉心不安何如
對此飽亦得不飽可質飽可還苦心作詩乃無益君不見杜陵
野老不得食

畫郭山人扇子詩

秋城黃葉邊林日明溪船歸客西風鬢清波南鴈天野村寒見
瓦江路淡如烟去去君休忘朱衣釣石泉

獨居行

木葉走瓦波走海海飛枯沙雨鳴屋秋聲壓空勢起伏早風吹
寒不可觸觸之有似棘刺肉裂衾莫得煖兩足眾雛瑟澀如一
束潮來過午飯未熟未飽不暖頓足哭去履自趾凍至腹阿母
心傷瘦懷續沾盤踏餐與飽煖據闕歌笑聲詰曲吁嗟物性須
求安已生自易已養難門前樹烏巢其閒上有明月照獨樹中
有九子啼夜寒我今欲出羽翼單今年春和食屢絕羊裘久爲
典庫物當座低頭見蕭瑟出門仰首畏縮慄悠哉宇宙何廣廣
獨居一士在草莽

寒夜憶亡妹邕州

孤墳在天末骨冷汝何知有子辭多日爲人好幾時聰明應自
悟魂夢及吾疑曩夜平生見蒼茫無一詞

野堂

山海容歸興波濤展野堂潮增夜天白樹合晚雲黃殘艾騷人
服寒花饑客糧頻年計衣食無地話農桑

田中歌

饑鷹叫風野日白田鼠倉皇亂阡陌田頭背立泣寡妻拾穗盈
筐人奪得自言一日勞可得三日食十日刈穫了可儲一月積
今年三日皆空還明日重來復何益出門時兒已饑入門時兒
搜衣娘得穀換米歸兒食粥娘啖糜娘空還兒哭啼兒勿啼娘
心悲向屋後望菜畦天寒雨瘦菜不肥籬疎畏逐強鄰雞閉門
抱兒勸兒睡明日娘有飯娘自有較計北風入夜吹破屋上有
明月照人哭人哭不聞聲但聞兒寒就娘聲瑟縮

復寄羅海韜邕州

在昔李南澗邕州使賑饑拜嘗餽粥飽死滯女兒歸此老君應

識之官世所稀爲詢豐歲後存者幾人肥

湘竹吟

昔泛湘舟弄寒玉神娥亭亭萬波綠九疑月壇夜肅肅清猿一聲脫秋木曉來神氣千里凝飄風靈雨下洞庭方墀移植宜我夢夢中隱隱君山青霜濤颯沓墻壁響南到滄江猶怨聲青春暮雲抽空碧此夜湘陰波黑色金支翠旗寒不光戛露啼烟絕人跡

曉出村舟中作

懸山覆水不到水水雲似海不似雲一身自作海上客此山離立雲中君江雲漸高山漸小初日平鋪萬波曉須臾山在金碧中全見山腰失山杪八風忽展東南溟天水光白山光青張帆看山勢爭轉瘦約一束空亭亭烟螺似我病婦態相送遠近同

含情我於山水矜畫手如此深峭畫未成山阿片雲釀水氣欲
出未出遲不輕祇應今夜客獨宿始肯入城爲雨聲

漢騶氏鏡子歌爲葯房作

葯房好古南土無中原歸載周秦書校書不校漢魏後買鏡乃
買金石餘腥苔深青土蝕死古月歛質金聲枯廻環未虧徑七
寸持照夢若層雲膚得無中有古人影隱隱不出或可呼何如
相背乃妙絕非篆非隸周邊隅其文曰騶氏作鏡續三四語奇
以迂紐傍四置識形貌云是吳越人物圖吳王坐侍越二女句
踐離立如羈孤不孤傍有范大夫就中奮袖體格粗特銘忠臣
伍子胥如此範式胡爲乎我聞黃帝鏡十五王母十二傳最初
西京柄鏡亦罕觀東漢鐵錯製絕殊君今此寶乃在世窺作者
意非區區請君摩挲拭純銀塗刮剔銚澀開模糊空堂晝晦雲壓

廬風雨颯颯百怪趨割然海月破壁出如以定水懸空虛波浪
不動龍遺珠峯巒乍入屋在湖澄澄四楹肅物象嶢嶢七尺軒
眉鬚君言堅綠不可殺如此手澤光不汙不見南人一丈鏡玻
璃似碑檀作趺昨日高堂換新主照見舊人行路衢吁嗟睹此
余誠愚漢家銅鼓沉水底投以其類余忽如年深恐化海中月
龍宮謂是真蟾蜍海復爲陸歸農夫農夫不識還棄諸乃知奇
物匪人得鏡乎庶與造化俱

苦熱行

萬物不動日影直直如火弩射透石東南三日雨雲積巉天拔
海移不得嗟爾風聲死無力大壑水枯龍呀口長林葉病鳥蹋
翼日帝扶桑披弓矢九鳥猖獗不能射雲旗畫卷未肯開萬里
無陰閣秋色熱河已恐浪沸火陰山何時雪如席客居所居江

潦平赤流不流無水聲破幃夜夢林水濶涼天在湖深且清貝
宮夫人居水晶風裳水珮集湘女珠飯玉酒頒瑤京長松十萬
青似城盡作風勢波飛崩玲瓏仰視鱗瓦屋瓦上浪走沖沖水
嗒爾不覺結九夏怡然將以過一生氓虻百萬雷激礪夢斷不
暇作悵悵退金進鼓恣戰攻高壘深溝匝幃帳啞膚一刺無不
親空空快劍無比倫沉沉中夜自一榻不快而辱生愁嗔何況
心血如煎焚汗落枕氣蒸暗雲嗚呼何爲奔走一至此此境豈
可容卿身君不見日來城上十丈塵紅紫壓空成毒氛歸哉永
田風動蘋入門暮潮生屋根秋梧涼陰漾白石樹下晚飯雞隨
人

錄別張大谷十二月廿五日

柴烟蜚火題詩處去馬來牛作別時爲設維摩花雨榻無煩高

適草堂賢身先夢去惟應戀客並春來不肯遲知爾看花還惜
別短篷疎櫂費相思

張君爲設居停之所頗整潔云

示內人歸寧

幾灣春浪軟雙槳落花紅衫薄剛支病江深約有風外孫猶少
女而父慕梁鴻陌上花開急歸防緩緩空

內人歸省還

楊柳曉依依桃花水滿陂暖波恬戀影香雨軟濛絲白袷空江
色青雲重鬢垂羅敷自今出不使路人知

來日書示

信宿汝歸寧來朝我入城近知數日別急似晚春程勿作大江
夢浩然春水聲檢詩兼飲子吟病可憐生

題內子禪病圖小影

孱軀縱長心深汲繹短纒流光導青春芳懷坐交臂與子同今
世電掣火光猛命瀕數死在貌以憂生請倚瘦竹鉤簾增寒不
臨井自云聰明薄上咒昧無等女子本柔弱根塵轉強梗豈如
君身肯他種發真省簾波落桐陰窓日碎光炯傾花積殘露燃
柳引恬親經緯傳常情忍笑洩俄頃通神語先和防禮襟再整
減頤若爲惜約範已自領淡然山林姿昭質含至靜體安景與
適庭虛空皆屏金仙上莊嚴慈竹側幽冷亭亭風露姿寒意土
鬢影于性病維摩煉藥對石鼎夙業以子故安忍死割癭他時
兩緇卷佳話溢五嶺我不離眷屬而得清淨境倘嫌梵天俗何
必佛摩頂

雨熱一首示李郭呂謝諸君懷張葯房

南海瀕海居一日十暘雨雨從東南來魚涎散飛鹵驟響掃萬

瓦濃汗流四堵高雲黑
洶洶盤空突餘怒層隙漏赤日
血色沸濕土盛熱如刺膚
狂顧無處所揚蒲風交衢
騰氣烟霧戶懸識溟渤外
蛟蜃觸鼉柱鯢鮪焦鹹沙
萬命一臭腐想當中原內
南望氣鬱苦寧知滄岬人
安生火中鼠是時南歸客
北路萬里許狎獐火山雲
岳色暘齊魯不敢思長風
吹沙灼創宇泥乃遠失志
中熱執猛炬道聞甘肅疆
逆稜整王旅邊鄙本雪窖
威變殷地鼓炎風動龍蛇
驕陽助貔虎一隅銷撮塵
四塞走雙羽彼方挽天河
穆穆洗干櫓歸軍歌風臺
習禮勞酒脯如何下第者
病渴尙修阻故鄉雖炎瘴
中道可容與子衣如輕烟
冷然欲霞舉赫赫萬象燥
肅肅一靜主諸君列禦流
齒冷無熱語惜彼冰雪肌
暫逐烟火侶乃知炎涼區
亦在所自處清波照城郭
碧幔展樓牖方歌颯成秋
當伏不知暑千頃潭上月
待人無今古君

平早歸來相期候風渚

憶昔行

憶昔黔山臥樵者作詩鬼門弔人鮓黃昏碧火行木客陰洞雄
狐拜金馬荒山性命寄鬼神藥囊芥朮揚灰塵陳生床口來切
病巫角聲中間死人昨日相逢今日死故鄉人作殊方鬼半人
半鬼憂懼中白木欂栳青筠籠出門撫額涕淚語入山刮面冰
霜風晚歸煉藥土竈爛昨夜山雨飄濕炭腰圓腹大操苦辛熱
嚙狂嗔耐呼喚同命上船始啖粥回頭滯骨誰奠飯吁嗟吾免
後人哭墳刻魂爲數君伴戕河水急東流深白日清波千里心
秋風嫋嫋吹江水別酒茫茫空古今此生日月成今古故鬼松
杉委風雨千年馬鬣須貞石一慟龍山餘濕土土濕不漉秋草
碧秋陽照我心獨苦青衿將穿髮堪數

寄陸微君貫夫 紹曾

白下烟波畫裡船
朱方梅雪夢中天
士龍實是鸞鳳子
帝虎虛糜犬馬年
欹器周銘通欵識
追魂唐版藉煤醜
何當遠道儲丹碧
風雨松陵對楊眠

白鳥

冥濛海雲黑白鳥
獨無歸影畏清波
凍身兼片葉飛江
天容耿介冰雪照
寒饑倘入南人貢
還應世所稀

月步

月流動衣碎人影
入溪停露靜叢葦
白雨多空地青光
瀾聞水鳥暗葉定
風螢不寐桐簷下
藤花夜氣冥

補題雲隱所藏予江鄉春色圖

松根走長坡松陰
覆蒼石石傍濛濛
水寒靜松後離離
樹丹碧

江鄉春色初不見見於橫江平對面炊烟出林白如練白光三
匝紅葉斷上欲爲雲不到空下未藏邨稍遮岸屋後數疊山低
昂赭而平盤盤蓄氣勢結爲一石青石高直礙江一畫江上長
松數千百中閒松斷青連綿一寸隙走萬里船風帆之杪又海
水水上山光淨如洗半露萬松顛半在萬松裏此中日落山幽
幽應有山人喚舟子雲隱先生可歸矣

北風篇

北風欲使南海翻萬怒一洩雙洞門

客居近雙門樓

簷端木葉鳥鼠走

巷口朔漠雲沙昏樵夫客帳夢水村水面一點浮人烟海勢吞
沙浩無地風力揭波聲塞天萬物簸揚一室靜古佛跏趺居士
病龕火不搖凍似水霜筠自戛清於磬夜來知爾夢亦勞魂弱
不競江波高嬌雛惡睡自呼被遊子病軀誰贈袍故人別盡滄

江晚但坐不歸傷別遠南飛一聽鴻鴈啼北寒濶與江湖滿明日空天秋照水八尺蒲帆盡情展尚有寒花村屋深未覺疎簾酒杯淺

三日張廉甫澹泉及諸兄弟小飲復志丈室

昔時集爾梅花屋十六年來兩度看故宅故人俱草莽

往年與同學數

輩過張廉甫宅作榜花詩

生平菜幾盤餐見鷗受命風波急鴻鴈謀機羽

翼單珍重酒邊兼去後碧桃簷露警衣寒

述哀一百韻

甲辰四月廿一日妻梁氏死矣向來護病繼以傷心未嘗有詩至今七月六日感神仙夫婦之說乃飲泣勉述此篇情至無文不知所云而已

青龍在甲辰夏四月廿一買藥方入門飯熟不暇喫大女泣屋

隅小女啼繞膝老親堂上歎相對視白髮下呼厨中婢掩面向
曲突仰首觀皇天天陰雨霏拂病婦呼就幃握手與郎別自從
數月來心緒無賸說目前卽長路安忍無一訣頻頻喚郎者非
是故瑣屑自顧無幾時中情甚飢渴君今撫我體四肢已殭厥
凜若置大水惟餘此心熱頃刻不相語誠恐冰到舌天生薄命
妾姓梁名曰雪固當畏炎威值此長夏節生息雖漓薄安敢昧
清潔憶從嫁郎始恩愛膠投漆出入君懷中自憐可憐絕微軀
本多病覆蒼借年月自危情累人因以身許佛拜賜禪病圖覽
鏡人毫末中閨課齋期幽心事經帙自謂留此身非敢取容悅
幸依君子傍永得奉巾櫛漸知金經理生死本一轍自無諸惡
緣地獄何罪孽轉識安樂死勝茲疴厄活但感君故情千秋亦
難割君昔萬里行三載影孤孑及乎遠遊歸風波未嘗歇妾爲

雙輪轉君爲長繩掣牽縵十八年今日合當輟翁姑老年人反見妾淹沒年衰不勝哀哀時易成疾上堂娛色笑無以妾故奪他人亦知孝行當入吾室兩女遺累君是郎之骨血女笑妾則笑女瘦妾露骨妾死女有母女嫁妾則畢妾有好男兒聰明第三姪可惜隔千里母子在兩粵婦請於家君以兄第三子彪爲己子方四歲在邕州生人不識鬼音影無可察及其長大時知此義難闕始與覲病圖使彼思彷彿不然少時見習覲成故物此婢無容色亦可十應七是妾手爪餘一日斷一匹買之五六年漸得病體逸留之事新人或不致嫌嫉知郎爲妾重憂牢固難掇不孝罪無後旋應擇良吉勉力爲姻昏爲郎解沈鬱妾復有所請君恕無禮律若在乎昔時此事未易達可憐縱扶起膝強痛難屈妾聞世人語君乃燕許筆有福死夫前此語俗不忽况妾前世因幸與郎固結

自思初作人未曾離閨闈中間何言行自愧說不出又言婦人
者無事乃其質況有賢丈夫和聲滿琴瑟但於凡百人善惡有
名實婦人不自眩自眩義已失郎工書八分文章自超迭後日
此杯土煩君一方碣千年百年後有人臨我穴推碑驚我寢亦
受人拜謁豹死留其皮妾目亦已閉至云岐軒理固非藥餌缺
眼看郎玉體爲妾瘦兀兀盤渦沈巨舟有力不可拔妾自魂魄
弱莫葬山巖業山頭多故鬼新鬼畏迨輒塋墳就近郊莫使水
沁洩但須高數尺俾妾望門闕松栢三兩株桐竹交相列碧草
魂往來亦得蔭脩密魂寒就郎衣魂饑就郎啜縱無身口累亦
不相閒濶今世且中逝他生焉可必倘化爲輕塵願得上郎襪
倘化爲罔兩就郎影邊滅願爲中山兔與郎作柔札慎無犯教
言復不畏剛折轟轟萬古名妾亦倚檐揭今爲秀才婦雖未廢

祿秩異時營齋葬恩義到泉窟歸來定何年今日是何日記取
死別時風雨冥路滑哀哉復哀哉齒緊妄言訖爾時尙握腕冰
氣透我徹不知坐子處安計擘之脫家人拉我去心死一寸鐵
不知兩穉女呼娘叩頭裂我欲竟此曲此曲不可闕我欲通乎
命吾不若是忍死生日以遠屈指七旬越傷哉半生內茲哀幾
時述

秋風引寄二三故人

時寓佛山鎮

去年春風暖如玉白袷清波送越客坡月遠江隨柳入天青天影
還垂春酒綠今年直是半年雨春雨晴時已秋色茫茫積水浮
東南中有樵夫出門哭夢繞新墳桐竹嫩月見古原霜露白松
鬢莎髯鬼大小鶻叫蟲啼人聞寂生前怯性常夢水未肯江天
試魂魄亡婦生平自言常夢大水而畏如今獨使野外居蒼茫歸路何由識往

時清陰笑談處上有出簷梧十尺啼鳥爲君秋不睡天黑呼君
到天赤君須但記從此來好逐秋風入靈席靈前嬌女衣涼薄
席上衰燈火寒碧屋邊葉響疑我歸猶似當時深夜織秋機不
聞犬不吠魂去風中曉無跡我今客悶思今昔別日淒涼最今
夕一身死別生離內此夕情人病人得故交零落况殘序寄子
哀詩沾爾臆詩成欠伸影在壁亭亭脉脉逼人直何須會面驚
瘦極已向空牆見衣窄

示友

風揭滄江水撲城木棉城上接江鳴殘年賤子無家別昨夢嬌
雛哭母聲管輅故交嗤白幘徐陵夙慧厭青睛鬢絲一夜三千
丈自向吟邊寸寸生

人日歎

去年人日光滿室百枝燈迎藥師佛今年獨坐迎佛處一點青
檠照人日江雲黯慘村花晚江雨霏微橋蘚滑出門凍立叫新
魂魂氣疑從墳樹出一時桐竹黑離合搖動呼吟森倏忽南風
木葉水橫波春溪水深沉綠莎往時千點桃花底春影亭亭人
渡河河邊人去花復多人生人日能幾何行吟欲哭翻高歌曲
無人憐歌則那黃泉白骨誰更惜有情無情同一窠新墳兀兀
古墳場滿地陰風吹薜蘿

溪後歎桃花

東風如絲水光懶才有桃花覺波軟門前曲水作圓文花去仍
回誰領管往時齋閣人扶病小苑西窓春晚晚簷端落日不射
人障眼霞光顏色暖淚流似水看相續人去如花呼不轉攀枝
歎息他家樹花老無風去難綰昔日看花一寸魂水入滄江暮

雲遠

· 小女

汝哭能言夢娘愁到汝邊鬼知今隔歲爺尙不成眠學紡車圓
小勝簪髻重偏裁衣須倍得新減藥煎錢

端州縣齋作

四天潑翠城郭濕城頭窺人萬山立城門朝開塞奔峭勢欲與
人爭出入戕剝西極如綫來至此壁地風濤開矜羊咽吭不肯
一吸盡呢逆倒壅屯雲雷山巖水猛雨不下地弱往往蒙厥災
居人不及對面語脚下沙走長堤摧育風顛浪昧道路非所去
處偏擠排入地塔影直於筆浮天城堵膠如栢下視東流峽山
口江水鬱作山崔嵬我昔尋常此經過水落山高石頭大盤渦
風雨神靈叫

景福祠下有盤渦聲如哀風雨晦冥舟人畏言之寒峽戰關

蠶羅餓帆檣疾轉指鳥飛性命歛危等鷲墮今來風水赫餘怒
猶恐乘桴到堅坐縣齋蓮幕多故人久別遭逢情話親江光夜
亂石頂月山氣忽生衣上雲樵天海上花作屋出門白袷照青
春當筵起舞醉沓颺百縷雲氣千花塵酒闌袂冷夢江國萬疊
翠屏勞片魂

雜憶絕句十首寄故鄉諸子

錄一

鶯花狼藉滿人間作麼詩心自苦艱纔寫暄風又涼雨勞人有
事化工閑

春郊

水滿碧不動春郊新雨晴數行濃柳外一桁曉山橫日薄滃花
氣風恬軟鳥聲病才蠲六七虛白已全生

客居悶雨

錄一

憶我庭花入兩旬主人辭汝汝辭春藥烟閣外三年雨祇有慈
鳥記得親

秋雨歎五首

雲中颼颼鳴落木水氣作雲低壓屋三年不見十日雨一雨偏
當九秋熟蒼天作意何太酷不令人喜令人哭水田要使禾生
耳艸食真無覓充腹君不見鰥頭白骨夜有聲路傍白骨行無
肉

嗷嗷南鴈行路難江湖水多生澗寒幾載南來稻梁少來復何
求犯矰繳遠辭蘆寨一行飛得與桑弓幾人飽渡海十郡良家
兒急欲寄書南鴈歸上言軍中身足樂下恐厨下妻啼飢何爲
汝鴈不識苦辛苦人閒叫風雨

廣州受旱無旱色旱甚水田猶一碧富兒不信山縣田乃有炎

炎千里赤人曷爲乎至斯極嗟爾無憂憂轉劇有田恐汝不得
食粵山雨仙香火熄昔何垣赫今何寂神仙有心民不識昔時
無雨天公意今雨亦非雨仙力

我今三年不歸不歸亦知鄰舍非屋前修竹咽垂葉黑雨青
燈魂啼明日招魂作生日江路雲深恐迷失荒年干飯哭兩
女在日清齋禮諸佛冥漠長眠謝饑饉死生有事均蕭瑟四年
死別三年饑西風乍寒燒鬼衣紙錢濕灰吹不飛時九月廿六日

去年九月秋官里日暍飯鹹無井水今年西風能揭廬溢井吹
波生細魚屋低瓦重牆卸土衣垢厨空床撫鼠人生須記丁未
秋九月天償八月雨

五龍潭山水圖歌

潭水溢流爲淵淵中臥石如巨椽五
觚面五色波動若鱗甲之而以此得

名在羅浮二
山分界之處

白虹裊天三萬尺中劃層城斷叢碧罡風挾入滄海聲古月凝
爲氷柱色聲色滿溢四百峰乃赴夾壁孤潭中峰影深青水深
黑水府巉巖陡天壁卽愁吁吸集風霆下極虛無嚴窟宅幽光
潛藏出靈跡椽仆虹眠五稜石稜分五文波作鱗不見首尾惟
見身槎牙淺壑未出骨轉側尺波如有神此境昔游同故人故
人臨終求寫真赤明霜雪鏤須髮化城風雨濛衣巾

梁公普臨終囑子曰

五龍潭瀑生平最賞求君寫小照於此

懷舊感時復畫此適遭十日雨不止非時

自笑腕有靈

時九月未乃雨

前月尙憂潭失水龍乎石乎幻化長短而

儵忽或爲牛首鬼眼出沒而螭屈北作金臺千里駒南變樵夫
五色筆筆如水中龍其鉅如石柱天門墨雲千疊深此柱能爲
蜿蜒舞勿訝能爲蜿蜒舞本爲蒼生起霖雨不然畫壁何所補

讀海雪堂詩

黑水烏蠻念昔時瘴花紅紫錦囊詩中年哀樂過人絕前輩飛騰顧我遲破塚故墟聊竄命夢雲靈雨付抽思曲江風度波千頃莫愧陽水接李斯

古樹歌

有序

邱太守鄞江故居有二松一栢乃宋時故物也海內巨公士夫多有詩前年在南澳書囑予爲作歌昨日數接讌坐未有以應之也今邱君往守廉州別後爲寫作三樹係以長句遠寄焉先是爲邱君題奚鐵生畫梅卷作長句故卽以起興

昨題奚岡畫梅卷已似西湖初雪晴寥天皚皚風漠漠吹我夢落君前庭庭前在昔君語我有宋三樹森相撐兩松一栢五百歲至是與我遙通靈鬱芊故國得喬木摩挲古先遺典型何來

陌上三老叟再拜里中諸父兄
冰霜久蝕邱壑骨崛起怒餘龍
虎形萬均神力撓一寸已屈未
伏勢尚橫盡令觀者助兀臬願
作壯士迴生罈盤空風霆日竄
徠積雨落蘚春迷冥雲陰近已

接廿里

二十里雲
邱君居處

黛碧遠疑連四明先生昔戴華陽冠三層高

閣翻道經嗒爾隱几得天籟泠然小和聲

平

吹玉笙君看細縷皺

疊折似嚙海岸波痕青蔽牛一賞漆園吏歸鶴幾見遼東丁憶
君初來度梅嶠曲江手蹟奇崢嶸側帽寒吹白日外長風驅入
滄濤聲古梅月店天半睡鄉夢吾廬林下行十年風雨變鬚髮
不減幽興隨官程官能詩句秀翳蔚得勿此樹苞元精前年伯
牙在海上天水浩浩琴獨鳴裁書索我咏嘉木又諒荒歲無詩
情三年別日世路濶萬物復命吾詩成詩成寄君向合浦更寫
三樹爲翠屏屏以充君歲寒操詩爲太守畱清名他時歸橐愧

陸賈但可不愧還珠亭

雨漲

風雨西北來聲勢塞九衢遙知四海水立赴東南隅扶桑沃焦
石吸一而百餘雨師笑大壑飲量誠區區陟高望海島覆甌疑
有無顧眎所住邨一葉帖江湖昨日龍攪水逆海灌空虛空中
墮船篷有似投林鳥忽復起旋轉蒼鵲盤浮圖邨邨擊神鐘百
怪驚且趨不知聲洪洞益助風雨粗橐籥一振蕩黍稷廼膏腴
靜者雷電中笠屐提胡盧板橋水拍潑人跡苔模糊白鷗眼炯
炯隔花相呼呼畱客晚飲酒酒邊西日徂

邨人叩鐘以禦龍云

都寧山下泛舟作

忠廟上有三

西樵仄日並海光直亘一道懸蜺黃都寧半邊得正赤盡障倒
景橫相當古時地久餘氣荒石砦慘慘風雲涼白頭神鴉語秋

色朽骨老松淒夕陽海東大鳥出晴霽水面孤青入天地看雲
仰恐怪石翻打槩下覺諸峰碎驚心洪漭烟波晚懷古幽靈風
雨至山湫盤蛟時一伸騰魚千尾星帖鱗火雲眼微狀奇鬼彩
蟠轡絲行至人祠堂逼迤容海水樓閣頃刻驅波旬斯須過去
天人分昏暮宵窈鍾鼓聞年深淚蘚斷碣字山下田畊滄海塵
隔世離憂急雨掃廿里抽帆緒風飽露螢漁火碧相續葭渚蘋
汀秋遂老人門幽恨靜轉添花上隙月遙纖纖

花枝

花枝春鳥輕搖漾足風情衣凍初陽亂苔陰落蕊明出牆別日
遠寫影畫心橫最喜高花外山痕一抹晴

瓜棚

雨殘邨瓦夕陽中飯訖藤棚借晚風動輒歸心遲暮雀不多秋

氣已寒蟲故居老
筍新居地十歲了
鬢一歲功竹上斑斑昔人
淚於瓜何事也殷紅

。十一日韓大夫東老

是升

林上舍哲侯

後

復置酒以予

足軟移譙三元宮與汪孫許李諸公作

昨日高遠多悲心
花露酒痕并淚襟
江山眼老今古濶
溟渤氣大風雲深
今日開筵接平野
平蕪山陰澹瀟灑
瑤笙石磬靜白晝
落葉飛禽亂秋瓦
黑橫雙塔壓長影
瘦削兩峯勝一把
昨暮清冷上界鐘
復此因依舊遊者
七人三日兩追陪
七人明年能復來
天青白雲一鴈哀
稻梁滿地鳩作媒
饑鴉鬼眼秋更碧
叫風嘯火焚大槐
諸公鴻冥何筴哉
抒憂作達戀餘杯
別後眼前同有懷
他時東西南北夢
共此日月金銀臺
夕陽滿面風滿袖
琳宮宴罷羣仙迴
秋崖冷花明不開

別平叔

十月廿五日

離懷感風雲澹澹海水涼握手波影衣人面寒夕陽自從識君
還日日輪轉腸僂指一百日悲歡數蒼黃夜夜作別夢旦旦同
一堂充日以爲歲百年未覺長幾日出邨來無夢神已荒魂魄
若散木波濤掀客床一日百相阻一語半或忘吁嗟乎平叔吾
老深可傷頽齡破四十齒落視茫茫聰明戰哀樂一往難自當
精枯眼出骨有淚不成行亦知心血衰悲極舌轉僵路長語言
短西景上風檣後會天地閒病軀無復強以約慰目前有約則
有望時日費山川何日更何方熟知此別濶有別無商量但以
今昔心共茲明月光或於時命外此願得一償一償豈不喜悲
乃倍尋常恐汝須與眉似我今日蒼各自出小像共詫誰家郎
勉君千秋事誠實有文章才學兩相資其過或相戕吾知君必

傳無使心飛搶浮沉元氣中此物真金剛功名且暮取汝歸其
勿忙入門語仁兄嶺海此古狂願爲梁溪水日夕繞君傍

三日行

三月三日行春陽天高地迴浩春光昨夜凍雲垂地黑到曉平
湖寫天色鮮舸萬里洩窮陰滄溟坦掌浮春碧木棉花城開紫
雲花閒青鳥窺麗人桑扈雙飛桑葉勻烟綿之草花氤氳春風
無心波動裊青蜩翅軟胡蝶醺羅敗未嫁尤變變萬點落花如
一剪路傍人多歸路遠春愁海深春怨淺老夫不笑國人狂杖
藜咏歸衣履香旣多士女少相諱亦欲被湔無不祥柴門迴首
暮塵暗樹杪清風西日黃

梨花

梅花去後人閒月祇有梨花得二分夜色銀屏鎖兒女曉寒粉

蝶落風裊霧迷甲帳仙無質雨重春樓夢有雲無限晚愁飛一片謝他穠李太紛紛

白絲行

白絲未染白如故勿云五色凌汝素美人手爪弄春葱織成白絲如素空杏梁三月啄花燕唾花媚汝機上紅裁衣稱身宜春風春風滿懷肌肉同體如迴雪花歷落軟似明水波搖溶仙人霓裳舞桂宮真寒氷骨曲未終可憐賤妾出掌上宛轉入誰懷抱中抽心作繭一萬丈妾蠶亦是可憐蟲美人愛汝心手巧玉體瑩瑩衣皎皎美人團扇亦復好抱月眠雲不知老

田家

日落山陰多山水凍戶牖雨渠引深竹風蟬靜高柳卅年讀吾書今始親塲畝全室喜我至泥足笑奔走白酒侑雞豚在汝亦

云厚蒼然古和氣乃非世情有平昔達者筵屢忝賓從右但覺
筋力憊轉懼禮數苟內漸汝真意欲說還閉口慮汝聞此言自
疚邨野醜惟當羨香粳粒粒出汝手糞田不鹵莽宴客再陶滌
客言飯香美尙能加餐不揮瓢翁迎面掇碗孫掣肘歡顏謝田
父告歸炬枯朽導客沿蘆灣風露浩已久回首蘆中煙烟扉吠
寒狗

復入田家

蘆竹交插籬柳根虛傍蹊柳枝懸翠禽籬下走黃雞迎客犬動
花花上雲日西汲泉嬾燃竹襖衫翁摘葵頻來諒我適不言茅
屋低開心課晴雨當面行鋤犁百摺啟笑頤昨者語老妻官人
肯過此勞逸願亦齊我昔躬耕志望此路轉迷今茲撫筋骨豈
得辭塗泥家世花村農高曾猶可稽及吾乃積墮爲汝盡端倪

同邨亦鄰近不須連圃畦

茶聲歌

不飲苦吟作酒渴缸清滿貯雨後月碧雲明露夜迢遙桐葉蒲
葵風汎潑夜蟲脈脈復歧歧如嚙如行響屏紙初蟬弱嘒抽絲
纖氣不滿翅涼颼尖闐然不聞兒女語忽見箏緊絃繁指如雨
隔花修竹窻戶開拍枕大江風雨來攝茲諸妄作真聽起視烟
霧行徘徊烟霧深深立童子面有紅光照烟裏靜心勿爲水火
爭萬樹無風月如水

謝雲隱所摹漢瓦頭圓硯歌

有序

雲隱道人十四年前貽予此硯匣置幾十年矣今日
出之惘然傷懷憶故妻梁孺人病篤以所仿漢瓦文
長母相忘小銅印繫臂而終觸類以感卽以硯作畫

寄雲隱題詩其上云爾

漢人瓦頭繆秦書偃仰隆殺盤而紆比方碑額及私印意態絕
同形絕殊含貞冰潔壽度刳相面用背圓剝觚粵人品硯極清
監洮河太膩龍尾粗割雲故自貴西洞弄瓦或亦娛畸儒謝公
同嗜憐我癖古神仙借今宅軀石若淨帟錯若筆瓦則古帖書
則殳其文乃長生無極又銘曰縮本所摹龍泉紹繞百鍊鐵蟻
封折旋千里駒癥翡翠畱土花碧竅澀縮剔沙痕枯土燒作石
質已死石範於土金不渝太元經廬金戒墨儕以類烏玉玦天
光與映青雲膚大千忽現右掌輪四角不附奇肱車道人圓通
入有閒道器混沌方無隅辛丑六月君自記行藏三載吾與俱
甲辰我亦撫漢瓦鑄寫圓印於方鑑美人黃土印亦殉長毋相
忘去聲心相於鬼今故鬼物故物物初凝物吾知吾以茲十載如

棄妹忽此一瞥傷狂夫團團之月黝食既汨汨之淚清漻乎亦
如禾黍沒荒殿經番滄桑尋故墟素巾細意拂拭再完璧何異
耕鋤餘久忘將逆固能應用等埏埴當其無草元嘲賤野次塊
守黑嘿占環中樞去年确田報鹵莽獻歲槁木萌株枸君今老
懶入手爪我勉旁薄將畫圖畫成春山意慘淡硯滌潭水雲糊
糝潭雲作雨釀春夢風雨孤舟浮兩湖仙湖西湖二街蓋南漢
宮中兩湖也雲隱住西

趙明府渭川以漢瓦當一枚及朱榻瓦當文三十款裝

十軸益以錢氏題識一軸見寄爲作歌

關轉漢畿之六鄉埏土爲屋燒赭岡秋帆向書

畢先督甘陝曉
生沅

月輾轉瓦礫場聊從野人得一由形逼盤洗聲瑤琅員界四隅

凸繆篆亦及書義縱斜行始驚世有西漢蹟斟酌斯法圓向方

錢坫獻之好奇古續得廿當矜最詳初錢得當便試揭揭不妥
帖槌妨傷當臍輒卑若鏡鈕泉肉四薄郭四昂遂模於土鑄以
錫殺虧齷亦柔其剛自時瓦當喜得代而以範當勝槌創故人
趙君曰希璜痴嗜亦與錢頡頏山西興縣改鄴縣鄴故銅雀臨
清漳立河沙界浩嘆息但誦魏賦神彷徨欲就老瞞乞一片願
似生妓分餘香不可驟得作去聲官去官好弄瓦如弄璋南憶病

樵寄一當得自長安非許昌其文昔年已習見雲隱摹以元雲

肪雲隱摹作硯者即與此文無異長生無極土較石一勢鸞尾娑娑翔外茲十

軸懸我牆合三十當金玉相洵乎素壁碧海水廿日幻出熊熊

光又如羣帝雲霞裳作天人語皆吉祥與天無極億年無疆永受嘉福長生無極等文

製之益鉅辭益莊其斯天子之明堂餘文約畧可實指甘泉上

林井未央甘林及甘泉上林及長樂未央等有爲便當僅一字得勿便殿如芝

房當時夜半召賈傳恐亦鵠立於巖廊有爲宮當亦二字蘭林

蕙草連昭陽秦時明月漢宮怨月下簷隙窺王嬙有爲祿甲天

下者或丞相府諸侯王司空農官及右將都司空瓦四字上林農官四字右將二字

要亦府寺名得將有爲金當與衛當吁嗟不乃逢霍張功臣第

宅製差小可槩聲勢之焜煌人閒一字足涕泗儼見石馬眠北

邨揜依中庭暨東樂揜依中庭四字東一字樂一字等未敢附會夸枯腸足知

西京全盛時氣象百二開砥礪六書佐吏小道耳萬力千氣文

文章今徒手腕乃疲茶詎可數寫去聲猶迴強流觀朱本復玩瓦

漢火已滅冰去聲手涼負天絕地會雲雨沐日浴月纏冰霜二千

年中入地底不知地上滄爲桑六朝趨唐五代宋龍虎戰血侵

元黃入深已作劫灰黑得水又發苔斑蒼我今琢瓦復作石與

石琢瓦遙相望好事初皆故人意不飲絕勝攜酒漿晦入詩心

濶渺莽方寸萬古橫迂荒昔昔殘月曉風下踽踽破塚遺墟傷
我初見瓦陰有識或鄼侯何留侯良今之種種不及此此特屬
埴徵故常屢疑得信意淒遠淚人涇渭流湯湯瓦今大覺吾大
夢夢走秦塞畊其疆揮鋤不覺仰天笑俯收滿月中懷藏花倉
持斲誚南獠何如我斲饑可糧

香月山房梅花歌寄梁秀才詔後

順德城中西山

石壁琉璦瑩古鐵南方古來無此雪冷眩忽生銀海花香光凝
作瑤天月香月山房吾所名他山之月固不勝以香烘月眼無
障似夢漫天人有情西山月斜萬瓦脊非霧非煙有誰識我正
雲帆張夜色鬱鬱芊芊望鄉國抱廓松雲宛轉寒浮天海氣崢
嶸白知君半嶺結明水見我孤舟比仙客春城詩八醇酒中香
醺自醉清冷風通幽之夢莫須有閑情之賦將無只嗅之作食

灌毛髮搏之不得元虚空洛城破屋玉川子詩品喧囂少真理
便詡乘雲朝紫清不過有月耀穠李樵夫愛花人骨髓去年十
月憂至此細驗南枝漸北枝濫得春頭到月尾今年正月春寒
梅花乃開
勒花衆香亭如行且止歌緩聲旣開亦謝景遲暮別緒遠愁春
宵冥想君艸色晚池碧花落山空石氣青

溪船

江邨一夜雨春碧已滿溪臥聞搖櫓聲咿嚶入花來礪礪擊石
火泊我蘆東碕蘆葉燈光青射我溪上扉汝勞亦時息似我鷗
鷺機聞其說米價兩日漸向低風雨動溪酌濕花垂酒卮我但
願爾飲此醉式庶幾我自不能飲爲君題小詩明夜拍銅斗春
風歌竹枝

雨

窓燈夜雨聲燈冷碧逾明靜者夢魂逸鏗然桐竹清詩書無繼
栗烟水有深畊旦旦披簑笠扁舟播種行

古風

花柳於春風似我於花柳天光觸處浹成美不在久萬物正性命熙熙各自厚息機得我便沖襟足自取遂知芳艸心報天以
不苟一一成文章真和灌枯朽有如欲得飲卽已醉醇酒一醉
啟百態亦復忘所受道樞中柴立天門闔雌守蠕蠕翹肖閒偶
物嗒喪偶

物致不可極我情寧得任清雲暢光風幽花韻朝禽日華湛葉
碧雨影滋苔陰理超自言詮神勝非慮尋僻地庶澄跡寥天難
住心溪雲染地冷池水寫韻天深約躬謝煩牽著象歸冥吟佳
辰不待我晚芬猶戀襟良期夕張乖來事歲功駸夢魂寄往古

悲歌勞我琴

江鄉懷人歌

江鄉積水如碧天江鄉蝦魚不值錢買魚畱客客不醉惜哉酒
薄遭無年不然蓼岸月正圓芙蓉菡萏繞我船風亭哀笛叫天
遠天際碧山橫醉眠碧山如波相輦軒我枕不動安如山我身
冷風信一葉我心明月碇九淵夜鴉西飛獨樹汎白鳬拍水下
鴈田香風如泉潑酒醒十里吹淨花田烟二樵山人花作邨生
已沐浴於芳妍三百六十聲平日分內八萬四千毛孔瀚偶吟詩
卷寫畫卷冰雪雲波供染翰蒼涼得句塵垢外眇莽洒墨洪荒
前竹洲山人霜壓顛江亭咏月花滿川東樵山人腹笥便漫膚
多汗攜詩篇兩君東西十里耳我適半道中其閒蘆灣蕭蕭蓮
田田艸堂大江開竹門深宵燈火隔水碧亂以流螢空水寒此

中可濯亦可沿沙上有鶴床有絃何時米賤八口飽不用裹飯
吾粗安麝歌雅同紫溪翁空有可續白社賢鮀濱山人清行堅
借我道書鈔自箋授徒過午始喫飯飯後鼓腹高吟肩嗟子憊
臥蠶欲蛹愛爾卓犖夔憐蛇邇來行坐藥物屏又嘆索莫朋從
慳人生失意十七八時地得幾天晴暄作歌無悰且寄似數子
苦吟天使然苦吟和我各一處有似三峽三青猿

月夕飲藤花下作歌贈友

月轉屋角來花梢花影入酒相加交樵夫堅坐亂雲底與靜者
飲深酒理月光映葉燈光青葉氣似水衣泠泠青光著酒酒愈
碧冷碧人唇唇亦驚遂合酒腸冰雪明滿身習習香風生不爲
耳熱拔劍起頗厭飲者多豪情生平豪舉昔所有故是狂生不
因酒月寒日暖煎迫餘物我交倦水火無稱心之語意易足冲

氣以和聲出虛請爲詩人頌酒德絕稱藤花韻幽寂請爲酒人
立詩品碧山人來月堪飲不見朱門歌舞昨留賓今朝饑作路
旁人蝸廬抱膝我坐嘯鼠穴乘車公莫嘆

嶺南羣雅

番禺劉彬華藻林輯

葉鈞

字貽孫一字石亭嘉應人乾隆甲寅解元歷官曲陽肥鄉知縣祈州知州著有石亭詩文集

玉壺山房詩話石亭留心經學非一藝可名詩筆雅健有卓犖不羣之概其卒於官也長物蕭然舍殮之外僅餘著述數種廉可知已

李義士歌

并引

義士名喬基嘉應人素驍勇往臺灣耕種爲生歲丙午臺匪林爽文作亂義士團結鄉勇助官軍勦賊往往以孤軍破賊數萬衆賊衆憚之後入郡遇伏力屈被執諭降不從刼以兵戟手大罵賊怒斷其舌縛樹

上射之又彎而烙之鳴乎李君真烈士哉予聞而悲
之作歌一章以俟輶軒之採

梅花洋東海氛惡黃巾十萬肆剽掠健兒睢盱閉關卧賊鋒未
交心胆破程鄉義士背獨裂狐鼠跳踉憤所切鼓聲闐闐義旗
指風急天高皂鵬起一朝途窮伏兵發蟻聚蜂屯那可脫揮刀
叱咤走且呼頭顱滿地紅模糊丈夫一身甘許國不成死耳肯
作賊吾舌可斷頭可梟焉能與草間狐兔蹴躡稱同曹鳴乎男
兒墮地知君親疾風勁草誰致身紛紛肉食空逡巡成仁浩氣
歸編氓噫吁成仁浩氣歸編氓紛紛肉食爾何人

讀吳梅村詩集感賦長句卽效其體

芳春二三月空山啼子規一聲報花落雨聲催春歸三聲振觸
攪魂夢悄然起誦梅村詩梅村昔日金閨彥斑管風流誇傳粉

時時痛飲讀離騷往往新詞反招隱早年射策明光宮詩成奪
得宮錦紅明朝狀元號得士對山之後惟公雄是時海宇盛文
翰蒙叟堂堂稱首選雲間磊落陳華亭歸德聲華侯雪苑先生
角立爭雄豪東西岱華齊峒堯北固江聲晨弔古南徐夜月醉
揮毫鼎湖晝曠龍無所萬壽山前海棠樹江左仍看躍馬來石
頭又見降幡豎漢臘曾存管幼安子雲投閣未爲難若教負石
蹈東海豈有移文到北山銅仙辭漢心猶慕玉馬朝周竟岐路
可憐北去庾蘭成哀時更作江南賦潦倒南冠一愴然興亡百
感賦詩篇碎句似奏鈞天樂悽怨如聞蜀國絃冬青蕭索遺民
少時時白髮聞天寶南部煙花夢乍醒西臺痛哭天應老百年
我亦窮愁士虛堂讀罷商聲起汾水秋風雁乍飛當時李嶠真
才子君不見雞籠講席空崔魏秋墳自署詞人碑何似柴桑老

徵士感懷時咏荆軻詩

筠門嶺

越門盤萬嶺一徑此中分
虎跡留殘雪猿聲出亂雲
人煙初上市行旅漸成羣
出險欣相賀遙山日已曛

咏古二首同李繡子

齊信侯

附信字

嬴秦失其鹿獵者走相躡
龍川老夫佗橫浦一丸瑾
裸國亦稱王況乃燕齊晉
真人芒碭生龍虎分正閏
桓桓句踐宇望氣識所進
入關已摧堅擊楚亦陷陣
左右長沙王驂斬得英儔
論功丹書封歃血白馬覺
海陽千萬里居民雜蛟蜃
馬留與龍戶瓊寶獻琛費
吾聞聖人言天所助者順
長沙著令甲奕禩效忠盡
維侯闕四帝推恩及鄙亂
千秋溯遺牒俯仰纔一瞬
邑里乏斷

碑樵牧闕徵信望古增愾然窓明燭花燼

安道侯

限道字

臣佗帝自娛四世竊國寶屏王戀魁結權相擅征討妖冶嫪氏
女思歡增懊惱請繫越王頭終重計亦早一朝享使者白刃監
其腦樓船四將軍勢如秋籜掃揭陽東南隅瀛海一窮島柘林
虎牙豎蓬洲鱷溪抱閉關謝朝請亦足建羽葆維侯早歸命稽
首辭飯稻胙土錫南陽煌煌盛冕璫粉榆念雖切逆順義宜考
不然效呂嘉駢首長安道何物鄭與劉清時燭蠻獠

十八學士圖

秦王虬髯鐵一尺晉陽宮中夜定策楊花已落李花結一劍關
河定南北天策開府高人雲聯翩佐命來河汾杜房謀猷軼魏
丙顏孔博雅搜皇墳畫師閭公稱妙手勅寫良臣垂永久繚素

流傳望若仙風雲會合良非偶惜哉同氣生殺機元武門前驚
伏尸尺布斗粟語安在九功九德空汝爲當時數公明大義帷
幄從容叅密議處人骨肉事本難直筆春秋在誅意功名雖赫
賢未知卷圖如聽風聲悲

送黎南垣同年之宣化

武州莽莽接幽州八達雲高傍馬頭萬里上書翻出塞一城吹
角獨登樓豹房草色開殘壘馬市邊聲近早秋落魄酒徒今盡
散不堪相對攬吳鉤

漢柏

驚濤白晝聞模糊道人導我遊元都武皇登封幾人代古柏森
森遺六株縱理已敎石作骨瘦蠶欲遺銅爲膚晦明或有蛟龍
蟄風雨懼千雷電誅傳聞一夕叫嘻出一株出火蟠虬鬚作使

千指縮千井沃以靈澤書靈符女丁婦壬世相妬至今此樹兼
生枯跳枝蒼鼠作人立撲地白蝠如鴉粗却愁盛陰氣太逼卓
午慘淡迴金烏當年從臣盛文藻公孫曲學相如諛若同此柏
論風骨要攀汲黯遊江都金泥玉檢今有無尙餘柯葉周庭隅
留與詩人作憑弔茂陵煙樹俱樵蘇噫嘻茂陵煙樹俱樵蘇秦
松亦凋五大夫求仙上封奚爲乎

夜至資福寺觀石晉經幢

隔巷殷梵鐘覓路到蕭寺僧廊鳴風葉簸簸已滿地入門龕燈
昏雲抱定僧睡稍稍理齋板却起驚客至淪泉語宗風敦樸有
元致經幢影突兀茶罷一曳屣下階燕松明照見天福字當年
據河北篡竊偶然遂遺恨十六州殘山割幽冀瓣香陀羅尼佛
力妄希覬聚沙搏浮圖伐石升肩屨誰知橫磨劍孱孫已顛隤

齒冷枉稱兒不灑空王淚摩挲歷浩劫剝落供涕泗擲炬煙荒
荒檐馬憂涼吹

自天津回述事有作

燕南之水四百川七十二淀相鉤連逶迤直下丁字沽灌輸與
海通雲煙天公寶山不收拾待與蒼生作靈澤白公史起今則
無溝洫河渠志誰識高宗皇帝真天人呼吸若與吾民親河
提使者親受旨約束河伯歸經綸楚榜吳軾日邊聚猶有先
皇舊遊處濁河清淀分道趨一着須教過神禹河邊往往見行
殿父老言之淚如霰六十年前望幸頻水嬉不爲鵝頭宴世人
競愛誇析津白魚紫蟹登盤新豈知聖人不輕舉一遊一豫
皆勤民官家歲歲煩決塞興築還須用民力北人大笑南人駭
底事揚州稱澤國今年一雨浩漫漫漏天欲遣天河翻頽墻倒

屋百州邑萬家野哭連河干 至尊疇春日三嘆爛用水衡過
百萬爾曹只解樂餽糜誰識 皇心厯宵旰從來永逸須一勞
要論此事歸賢豪團團浚泊待疏鑿君不見勾陂祠祀千秋高
會稽尙書今益稷會見飛章告 宸極謂簡亭制府

奉檄于役京東留別楊企齋孝廉

里鼓寥寥不少休簡書催促敢遲留何人仕宦車生耳我輩風
塵馬絡頭京國頻年苦淫雨榆關六月似涼秋故人遲斷臨歧
語苦憶平生馬少遊

文安道中

屋外水連水蒼然天四圍菰蘆隨意長鷗鳥傍人飛往者苦河
決頻年仍歲饑傷心采菱女不及野鴻肥

薊州

出薊北門行舊讀廿年今向薊門過便爲沙磧呼鷹客誰唱長
城飲馬歌卷地稍驚風力勁涵山遙覺雨聲多平生恨少幽燕
氣漸欲沈雄奈老何

薊州道中遇雪

王程無歲暮羸馬壓征衣寒日兼天瘦驚沙挾霰飛帳中宵割
炙磧裏晝行圍咄咄慚年少飛揚興總違

夷齊廟

鷄鶴各殊尙要令相易難咎人甘讓國幾輩苦求官凍浦層冰
峻高臺萬木寒何山少薇蕨不必慕彈冠

夜漏三鼓抵撫寧

四圍山斷處滿耳颯風颭日落心逾急林深路轉遙鹿迹餘積
雪鬼語逼中宵失喜聞街鼓聲聲出麗譙

山海關

太行如馬亘中原到海猶蟠碣石尊周索斗邊標北戶秦城天際立東門神仙誕謾三山遠關戍蒼茫萬壘存陬澁梯航今百載戰場往事真重論

復以事至遵化夜抵石門大雪

役車猶未息獨夜每驚魂大雪光如晝三更出薊門雲山一時失燈火幾家溫酌酒慰僮僕儀今舌尙存

師退以雙椎易赤心刀作歌贈之

君不見朱亥袖鐵四十斤盜符夜奪晉鄙軍又不見張良答師蒼海君博浪沙中狙擊秦二君當時輕一擲家國恩讐兩無益一椎往事不足論留與詩人浮大白何如王祥佩刀贈呂虔異時富貴看刀鏤天生神物不相負許人以死嗟徒然蔣侯清時

學爲吏心上應無不平事雙椎易得寶刀歸刀上誰鐫赤心字
妙吉祥窩細拂拭刀光如虹燭天赤相看四座眼俱青借問何
人心尙黑我笑謂君真人豪世間萬物隨所遭將君爭戰妾換
馬仙令風流椎易刀勸君勿學臨淮短鞵潛着兵亦不用沙家
家法誇流星試看掛壁不作匣中嘯請爲此刀易名心太平

得師退書知與章毅堂唱酬竟日作詩索觀並簡毅堂
蓬勃東華塵馳道入雲表官程日千指邪許連昏曉送迎解埃
壘幘屋不可掃蔣侯餽山房比鄰得同調章侯屏車騎剝啄時
一到高言追皇墳僮奴竊相笑釣登重唇魚佐以蜀薑毛抽身
黃塵底一晌亦清妙頗聞角韓孟响答瓶笙嘯閭題申嚴令得
句各緊矯阿蒙失交臂腸作九迴繞因風乞素箋幸以寄高鳥

嶺南羣雅

番禺劉彬華藻林輯

黃丹書

字廷受一字虛舟順德人乾隆乙卯舉人官訓導著有鴻

雪齋詩鈔

王壺山房詩話虛舟曾無城府灑落自喜會試下第鉅公重其名爭欲館之不就飄然歸人服其高致詩書畫俱工所爲詩多腹記之推敲未愜不脫橐故所存雖少然皆清新妥帖之作方之葯房如驂之靳蓋取法髣蘇淵源甚正自不失爲雅音也

光孝寺鐵塔歌

訶林雨黑蒼煙屯古殿突兀龍象尊千年劫灰冷祇園華幢屹立雙飛鷲禪老手闢甘露門若龍角奮鼉峯蹲尖稜上刺閭闔雲鵬噉鳥翼齊肩跟玉毫寶光日初曠化身萬億同一輪鐵花

澀縮古蘇紋旃檀婆律香濃薰何年鑄此雷霆焯遠溯太寶心
煩冤樊胡帳中天語宣豔煽閭媚相引援玉清宮使尤赫烜範
銅作像銀作垣底用率堵祈帝恩縻六州鍤千夫奔歲乾德節
慶讚煩豈減剝別人愁怨羊頭三四童謠喧轉眼去逐降王軒
吁嗟陰識今則存撫古尙拊鐘鼎文沙門內監字未昏細讀屢
以指掌捫興亡儵忽復誰論且鋪側理濡墨痕拓得趺坐菩提
根更尋妙義聞風旛

觀米南宮藥洲石墨

洽涯仙尉書畫船斗牛夜犯銀潢邊支機片石手摩弄墮地猶
作星光懸一重花藥一重樹石氣青出長林煙榜舟同遊偶點
筆楷法石勢爭騰騫我尋仙掌背題句惜哉十畝榕根纏雲沙
潏洄水蕩汨奇氣空託陳九仙昨來藩署驚屹崱連理樹密脩

篁娟何年飛出兩湖碧珠聯歛作星離躔溯洄元祐春仲日苔
膚波眼供剗鐫千年姓氏火正後數頃地脈西湖連訪古或到
瀛海壖研山數峯屢易主洞天一品誰流傳英光兩字獨不壤
輦致無待千指駢玉虹貫日露濡柳對此遺跡應潸然摹采定
入寶晉帖移歸仍靳西齋蓮何時湖頭浸足眠葛巾低來呼石
丈拍手大笑襄陽顛

漫成

空堂孤臥看晴雲命酒編詩春已分夢裏尙隨鷗覓侶人間多
似鴈離羣木棉裘卸寒初減苦棟花開日正曛又是清明時節
到預排芒屨踏高墳

哭胡同謙二首

錄二

暄陽慘無光危坐風色惡蒼黃寢門慟決絕神屢愕緬惟英妙

姿秋空露垠塲抗懷諒有在了不見崖略眼中老成盡絕業類
有託君實障橫流汎濫就繩約寧知豹隱霧忽作舟遷繁芳華
折陽春于物亦云虐彼蒼不可問聊用敘離索

去年燕薊遊悵懷萬里役風塵偶失意遂關欣戚載書有豪
歸將母無忤色方期林下逢倏已重泉隔詎無身後念棄置摧
肝臆手澤何人收生女不得力登堂奠盃酒孤墳近遺宅他時
復來過一扣西州策

丁酉元旦寄懷伯兄

佛山秋判袂忽忽歲華新薄宦一千里孤懷四十春文章潛霧
豹日月下坡輪且莫思歸切梅花香浹旬

舟中東二樵

雲寒擁高樹浪急拍遙天愁盡長江裏春歸短棹前殘陽生白

屋孤鳥沒青煙此際相思極微吟獨相戢

送伯兄公車北上三首

吾兄爲文章古錦出新製齊門久挾瑟針芥偶相契夙志千秋
名豈爲此日計知己竟何人亦足增感喟所喜白髮親膝下方
少慰高堂置杯酒及此風雪厲庶幾明發心長途以自勵
近別未遑惜遠別已儼裝微官安足戀前路乃茫茫男兒重功
名所貴能自量門戶要全生碌碌終何傷緇塵滿京洛素衣自
徜徉聊作汗漫游故我期毋忘

對床昔有言頗羨田園樂東頭三畝宅取足蒔花葯到今塵網
牽欲負生平約嗟我年方盛豈遂甘落寞讀書未有得聰明半
銷鑠實恐離索多督責漸非昨何日理歸艘寒鐙共深酌

夜坐示霞姪

歲晏不出門坐惜時序遷閒念飽風雨小病何纏綿入夜更蕭索短檠寒燈燃阿霞喜就我促席同一編憶我齟齬歲實仗汝父賢晨夕課書史驚蹇猛着鞭汝時已失母上學嬌可憐趨庭受呵責中心自悁悁今來各成人七尺何昂然汝父亦瀕老華髮行墮顛一官甘冷落樗散如鄭虔只今上春卿奔走路八千郵書昨日來已度梅嶺顛頻囑我與汝經義須熟研餘事及詞賦一一求真詮冉冉殘臘盡忽忽春景妍汝將從嚴師束身几杖前我亦謝人事擇地林泉偏浮心理舊業覃思綴新篇庶幾遠人歸一笑終餘年

花地用東坡寓居定慧院月夜偶出韻

涼秋興發抱眠具飄然買棹珠江夜曉來雙眼太模糊小舟已泊柴門下茸茸翠幄四面垂浩浩香雲半空瀉就中瘦竹最孤

絕不害寒梅獨低亞羣芳有譜寧盡識種樹無經更須借何人
亭閣善補綴道眼空明閣榮謝終年剝啄無主人勝侶招攜等
傳舍紅裙不解妬石榴白酒空憐壓甘蔗蕭寺煙深晚重過鵝
潭風急歸可怕詩成篷底一夢耳虛船觸著誰能罵

沙口寄二樵

啟柁及潮長緩歌過晴沙醉眼矚兩岸樹木紛如麻病葉冬未
脫寒叢春不花亞枝貼清江長條撐暮霞或如龍攫空奮鬣張
爪牙或如人却立弱髮垂鬢髻或爲示德蓋或爲張騫槎或宜
坐枯僧或宜點寒鴉或宜添怪石或宜繫小槎自從入舟來搜
奇意良奢臯石與韶石夢寐縈幽遐卽景乃有獲已足相驚誇
吾友倪黃倫毀筆滄江涯此行惜不共技癢誰爲爬作詩聊當
畫肝肺餘槎枒

觀音巖

巨靈擘蒼崖山骨一縫裂半嵌露紺宇危若鳥巢綴捨舟入洞
口拊壁狂叫絕深曠蓄奇幻乃是萬古穴日月所不到燭炬星
點列層梯躡堅滑斜循遞紆折磴盡得梵宮蓮座五丁設莊嚴
面真相法爲石頭說鐘乳寶幢圓碎添甘露潔檻前降羣靈楮
天竟巖岬昨訪二禺君雲煙悵一瞥以茲續幽興空翠差相埒
登臨雖有緣絕境彌難訣裴回下虛閣客意鎮騷屑

梁石癡作指頭山水屬題此詩

指畫起近世不著前代譜但讀竹垞詩知有吳振武且園亦晚
出彌伽錄一睹生絹工寫生最工鷹與虎我友懶雲子筆本董
巨侶游戲亦爲之費墨一斗許林巒二十幅迅掃如風雨幅終
笑謂我此調終不古祇爲炫俗資未是安身所螺蛤思偶然蒲

芟嗜奚取試問個中人斯言豈無補

茶煙

疏檻霏霏出空廊裊裊生日明籠竹暖風妥着花輕夢覺酒方
渴客來詩未成十年禪榻畔杜牧最關情

重遊峽山寺疊用東坡韻

昔登帶玉堂高咏臨長灣六年塵壒中復覩禹君顏匆匆別香
界獨客何時還嶺北富奇勝計日逾梅關未知登臨緣得似吾
家山匡廬雲霧窟金焦江海間幽興兼熊魚佳色較燕環卽景
且怡悅四九煙中鬟

贛州

塔影橫江落日催鬱孤勝處足淹洄灘聲曲折雙流合雲氣蒼
茫八境開積雨石鱗仍兩岸迴風沙篆忽成堆新詩吟罷何人

和尙有山中木客來

彭澤縣

山郭千家曉翠勻先生高節仰嶙峋至今江畔青青柳不解緇腰折向人

臘日偕暘谷遊白雲諸寺用東坡臘日遊孤山韻

半年浪跡江與湖歸來清坐百事無偶然挈伴入州府芒屨竹杖相歡呼何須婚嫁畢吾孥福地隨處堪戲娛茲山名跡溯秦漢雲木蒼鬱圖岑紆梵宮客到如故廬舊識老僧仍鶴孤澗泉飽喫趙州茗山蔬勝餌安期蒲短褐翛然兩狂夫攀巖歷磴窮日晡凍雲明月倚梅樹惜無畫手傳爲圖山中冉冉迫歲餘却耽禪榻夢栩栩從人竊怪疑逃遁且賦長句聊自募

題謝雲隱聽瀑圖

在山泉水清出山泉水濁誰能城市中悠然離去塵俗先生風
骨真癯僊飄飄游戲下九煙忘家靈運奚足道絲竹未覺東山
賢古心古貌長潦倒三尺瑤琴據梧好不遇知音不肯彈白向
空山寄懷抱懸崖百尺垂玉龍吟吟韞韞酣笙鐘哀猿幽鳥盡
啞啞妙聲髣髴蓬萊宮我昨飛帆沂彭蠡匡廬九疊雲霧裏黃
巖咫尺慳曳筇空咏銀河愛仙李謁從人海歸故邱揚子一區
苦隘湫夢裏輪蹄猶歷鹿愁邊兒女更啾啾羨君向平願早畢
五岳胸中時笑兀洞天福地何處無把臂真須入林密君有入林圖亦
二樵所作我欲蠟屐來相尋從君蹋遍青瑤簪東樵水簾高崎欽西
樵噴玉幽且深好將世外許由耳飽領雲山韶濩音

爲胡秋筠題二樵紅棉碧嶂圖卽送歸山陰

祝融銜命行海壖靈旗寶纛高挿天春風二月尉佗郭晴光爛

漫層峯巔我從黃灣看浴日千株迸作朝霞鮮歸來振衣粵臺
上四山嵒嵒濃生煙浮嵐暖翠影忽沒湧出禹童兜羅綿南方
草木此奇觀紛紛紅紫徒爭妍山樵畫筆通詩禪胸羅幽怪窮
雕鐫丹青偶爾出新意真蹟過嶺人人傳君歸浙東攜此本輕
裝包裹充寒氊驪歌聲哀正花發一枝折作珊瑚鞭鏡湖風物
也不惡溪桃歷亂山櫻然千巖萬壑競娟秀妙手可有荆關便
炎州迴首憶舊雨何山遽集蘭亭賢官齋冷絕空見畫暮雲春
樹增淒然他時雪棹訪安道定許襟期同鄭虔

堂前梨花同暘谷賦得放字

屋頭小鳥弄圓吭主人夢覺北堂上尋春不到梅李蹊一樹梨
花當砌放浮空雪漲湧千層平地瑤臺高一丈濃枝膩粉却凡
豔皎月流雲現真相海棠未許稱尹邢玉蘂差堪較瑜亮豈惟

院落縞幽夜要與江城淨煩瘴去春花發滯京洛素衣欲化愁
塵障詎無好事洗妝宴未免招呼走俗狀竭來閉戶耽寂寞鬢
絲禪榻茶煙颺餘杭春酒不待沽三徑吟朋且更唱過牆蜂蝶
俱有意似向尊前助閑曠莫辭秉燭對三更寒食明朝風雨浪

夜過葭洲書塾葭洲用東坡寓居定惠院月夜偶出韻

見贈次韻答之

兩年息影同一廬步履相過每卜夜奉帷不記誰主賓促席寧

論床上下壁間鐙燄青豆爆花外茶聲暗泉瀉我材薄劣謬見

推君懷磊落誰當亞賸稿南樵有癖嗜險韻東坡許重借葭洲閱李

南澗潮陽集極賞夜字韻詩因效其體作一首見贈素心樂與幾羊求葭洲授徒吾里與

浦及余而已家學由來數王謝詩人古巢先生孤吟或夢春草池謂

圃莘田愚偕隱何時鹿門舍謂靜堆盤又報熟村荔開甕還須

谷昆季

壓都蔗年華似水去不留詩債如山多可怕雞鳴鐘動不言歸
候門一任奚奴罵

葭洲疊夜字韻見示再次韻奉答

我生得句如甕算矢喜狂呼舞中夜君如閒道出奇兵堅壁憑
陵一朝下吟雖小枝無足多交有餘情須盡瀉憶昔君家開兩
庄香草環溪互相亞香草環溪兩庄名風亭月榭劇軒敞一榻時教騷
客借社事銷沉數十年尚有長林閱榮謝酒闌每聽話泉石徑
欲相從結茆舍清音須辨經爨桐餘味仍尋已滓蔗青瓊舊物
幸無幾撼樹蚍蜉安足怕時葭洲里有盜警但愁歌嘯不能休徹旦行
遭比隣罵

爲何葭洲畫竹葭洲用東坡題晁補之所藏文與可竹
三首韻見贈次韻奉答

坡仙曾有言野竹如幽人古來畫竹者說法皆現身我幸無俗骨與竹相知新襪材儻萃我樂此寧疲神

書畫同一源變化靡不有君看鍊鈎鎖法本元和柳我愛夏太常筆挾風雨走若以古書論亦是歐虞手

與君苦吟詩得味如僧粥不待飯顚嘲自覺瘦於竹玉版試同參頗勝對甘菹一笑看墨君汝相非食肉

葭洲用東坡謝蘇自之惠酒韻見謝饋酒次韻奉答

孔羣事不了麴蘖得米猶從朋舊說東籬悵望亦偶然泉明豈受江州憐文章勲業天所忌尚有口腹能邀天君看古來隱杯杓此中供養無不全蠟屐幾緇阮孚癖弄石滿袖襄陽顛多取寧爲造物怪視彼世好差獨賢先生固是酒中達隨時學佛還學仙瓦墀分餉何足道聊憑酒味參詩禪我雖不飲舌尚在半

甌花乳浮輕圓賞花陽月出新句素琴一鼓必合絃我生涉世
取適意螻蟻侯王等如寄眼前服食皆神仙癡人浪說蓬壺異
醺雞舞食漫相哂竿木逢場聊作戲不如更到無何鄉懶覓無
功醉鄉醉

葯房自都中以紅白棣花一幀見寄疊東坡暎字韻題
之

故人久別雲水邨長安蕭寺愁羈魂邇來走馬看花發瀛洲高
步離氛昏吟殘紅葯誰共賞定憶舊侶餘南園一枝春色獨寄
我披圖恍接笑語溫調脂殺粉偶游戲簇簇冷艷排清暎有如
靜女靚粧出終殊作態倚市門畫情可識廣平賦詩格還共山
農言宵來飛夢落君側玉堂清冷陪琴尊

再之京師留別故園諸子四首

錄二

又辭鄉國走風塵藥裹詩囊共一身楚尾吳頭隨斷梗燕南趙
北付勞薪文章已分輸餘子邱壑還堪置此人萬里浪遊成底
事合將強健慰雙親

素衣欲化記曾留人海茫茫一葉舟縱復論交盛僑札何如開
徑得羊求功名自笑成雞肋骨相由來讓虎頭兀士漫云無處
著西山千疊暮嵐浮

王石谷仿范寬秋山行旅小幀

峭拔而崛奇崖壑森向人鳥道一千轉迢迢隴與秦厥初關董
筆關全董源皆有秋山行旅圖繼許華原親流傳者巨幅曾爲西廬珍想卽
輦所見縮本能逼真咫尺萬里勢無窮出清新搏兔用全力承
蝸乃疑神寸人與豆馬能事奚足云

萬華廷明府招同人雅集分賦

寂寂師古巷老屋如禪房維摩久示病不病還開堂堂開集豪
俊促席飛羽觴結習但文字亂落檐花香知公廿年前實自雙
井黃蹢躅因能達斯言中膏肓家仲則贈先生詩有蹢躅因能達之句只今復悶
散雄劍韜奇光寄傲雖泉明憂時仍漫郎所以儒術尊出處皆
可詳但恨同心人已失黎_焦與張_易當杯輒懷舊笛聲愴山陽
賴有陳驚座石譚鋒割愁腸我愧藉湜輩亦未走且僵南園詎
燕沒采拾餘蘭芳願公更培護吾道其可昌

題張墨池山水即用墨池自題韻

遠岫疎林漠漠煙溪翁快坐晚秋天詩心淡到無人會流水栖
鴉又斷蟬

自題松竹小幀

幾年邱壑送閒身又踏東華十丈塵昨夢鑑江歸去好竹風松

露滿衣巾

子羽作青綠山水一幀頗有北宋人意余借觀五年意
欲得之子羽謂能以八分寫桂陽周府君碑見遺卽
以奉贈因題一詩以當左券

石險猱獸伏樹老瘦蛟攫樹色與石色古鼎青紅駁孤松秀出
林黛映遠峯角清溪竊而曲曲處架茅閣簷低水光漾幔卷山
翠落中橫三尺案圖史筆硯錯主人遊不遠暮返入林薄苔磯
滑筇杖緩步過略約呂生寫此幀意與北宋較渾厚含清妍細
膩見磅礴我初向壁乍疑是衡山作假來鴻雪齋五載費尋索
趙壁留詎可魯田歸未諾遂援蘇王例馬石互相博君畫而我
書固有非外鑠與者取懷同受者得意各庶幾桃與瓊一笑永
好託

題馮魚山太史畫蘭二首 錄一

筆妙曾窺釋石翁
畫書詩悟一源同
與君相對忘言處
綠意滿庭生澹風

嶺南羣雅

番禺劉彬華藻林輯

葉廷勳

字光常一字花谿南海人候選戶部員外郎 恩加鹽運

使司銜著有梅花書屋詩鈔

玉壺山房詩話花谿跡託塵囂性耽泉石馬魚山黎二樵皆折節與交賦新柳詩粵中詞客豎目下諸賢多屬和之傳爲韻事晚年關鹿門精舍自號荔灣漁者閉閣拈毫評書讀畫高致翛然卒葬白雲山安期巖側令子雲谷民部夢龍築倚山樓爲丙舍生節薦酒楹集名流賦咏其上雅有父風焉

候潮

柳岸停舟處寒潮已落時白沙漁父棹紅樹酒家旗島遠雲歸晚江空月上遲偶聞風外笛催我畫中詩

觀海二首錄一

浩淼真無際登樓一縱觀江帆依岸轉島月照人寒早悟魚龍
幻閒尋鷗鷺歡吾心原不競隨處慶安瀾

籬邊白菊延賞至暮對影有作

澹到神交韻最清夢迴三徑悟前生香魂對月天然化老氣橫
秋分外明微世祇應霜作骨潔身真稱玉爲清南陽踪跡如相
問徙倚西風話舊盟

寒食郊行四首

錄一

古道呼鸞空霸圖昌華舊苑賸榛蕪牧童不解升沉恨猶向橋
邊唱鷓鴣

新柳三首

嫩綠如絲畫不成雛鷗乳燕隔溪聲行人記取休攀折離別愁
多畏眼明

幾日長條復短條東風搖曳小蠻腰
陌頭未有靈和種流恨依依似六朝

白下流鶯正解啼六橋春夢到窓西
昨宵杯酒離亭畔和雨和烟綴馬蹄

梅花

脈脈幽香倩女魂羅浮迴夢已黃昏
水晶簾捲何人見萬壑千山空月痕

上庾嶺

曉發橫浦驛策馬冲宿霧直登雁回峰
衆山儼奔附回頭望羊城隱約結廬處
重聞話團欒念我獨行路行路有險夷
親心共朝暮緣何障遠目祇此數重樹
耿耿明發懷出關屢南顧古人澹榮利
菽水將孺慕

酬黎二樵明經

江寒霜氣清月上滄海湄樓前一雁過去影何遲遲君歸已匝
月撫景頻相思迢迢雙鯉書中有黃絹詞三復不能已心與江
雲馳

嶺南羣雅

番禺劉彬華藻林輯

仇巨川

字滙洲一字竹嶼順德人監生著有勒竹齋詩鈔

玉壺山房詩話竹嶼爲黎二樵友余識之於易虛谷謙金石樓鬚鬢已蒼然矣一日過余索贈詩意甚殷余書四十字與之閱數月遽聞物故遺詩一卷得自趙平頃篋中頭爲登載其人襟抱灑然老而好學宜不鼎山人樂與交遊也

長歌行

一元計其歲不滿十三萬幸不去學仙而免歿札惠山中七日
促世已千載判爲仙僅三歲瞬見天地爛况今始成仙元會去
過半短哉神仙命能得幾昏且如何塵世中悠悠恣汗漫化日
舒且長無營精不散願從彭聃遊崇德加餐飯

採珠謠二首

池珠去衣食無所措池珠還官吏滿池間去亦苦還亦苦不怨
大守怨合浦珠少珠多奈珠池何

采珠采珠我將安道上有猛虎下有巨魚珠兮珠兮有不如無
掃葉

曾無零落感擁帚意翛然人立斜陽外風來古木邊砌吟蛩乍
歇鏘戰茗旋煎叢翠乾還積天供野竈烟

夜泊峽山寺

歸然天半做禪關晚壑雲歸渺靄間一點佛燈明到水數聲幽
磬暮沉山乍聞泉响飛銀練似有猿啼怨玉環擬待晨遊舟又
發勞勞輸與老僧閒

淬劍曲

西風白日何颼颼，閃閃精光寒欲流。
我正臨江淬古劍，無端霜氣橫清秋。

嶺南羣雅

番禺劉彬華藻林輯

胡輝

字玉山番禺人諸生著有玉山詩草

玉壺山房詩話玉山丰儀朗朗氣節錚錚俗骨無儲日枕經史下筆灑灑千言尤工韻語緣與俗忤時作不平之鳴而鶴唳長空響特清逸中歲後所如不偶壹鬱以終遺稿散佚其高足弟子張慶璇杓欲收存之倉猝未得玉山一生心血不將盡付雲烟耶茲從謝澧浦齋中得詩一首錄之以著其人

與友人論書呈黃虛舟謝澧浦

斯邈徂落風已古時流數典多忘祖詎知能通篆隸法真草乃不失規矩元常端重類鼎彝右軍跳脫如龍虎變而通之存乎人不貴形似貴神取試觀唐宋諸名家修短肥瘠各有主淵源莫不溯鍾王面目要自開牖戶近時羊城善書者屈指虛舟與

澧浦虛舟穩靜宵永師鐵門限內多塵土澧浦駘石本顏筋秀
骨今又轉飛舞我生愛書不工書隨意書成未足數喜時或謂
似簪花醉時或謂似張弩寸心得失豈茫昧衆口雌黃任譴謖
獨憐無地困豪雄縱解趨時空媚嫵槍榆蜩鴣笑何堪撼樹蚍
蜚徒自苦雕龍造風枝難憑咄咄塗鴉更何補休矜珠玉在揮
毫蕭瑟秋風庾開府

嶺南羣雅

番禺劉彬華藻林輯

丁 畧

字旭初一字峻山番禺人嘉慶辛酉優貢生著有左右修竹軒吟稿

白雲寺遠眺

振衣千仞蔚崢嶸木杪飛樓控太清
天散浮雲青有骨山圍重海碧無名
巖邊日月羣靈會眼底滄桑曠代情
欲訪安期問仙訣仙臺元鶴一聲聲

訶林寺菩提樹二首

錄一

莫道菩提卽是真菩提無樹更無塵
自從一着塵間相歲歲菩提樹有春

遣懷集陶

天高風景徹關河不可踰多謝諸少年宛轡憇通衢榮華誠足
貴規規一何愚袁安困積雪仲蔚愛窮居達人解其會胡事乃
躊躇苟得非所欽少許便有餘寢跡衡門下棲遲固多娛開春
理常業時還讀我書

嶺南羣雅

番禺劉彬華藻林輯

方繩武

字伯謨一字竹孫香山人諸生著有七峯第一峯堂詩集

玉壺山房詩話竹孫年長於余而與黃子實同時從余問業時余館穗城書院談經之暇相與論詩上下千古歷歷忘倦如是者數年甚相得而亦相長也其人操履端謹質懷瀟灑家貧力學屢空而晏如其詩法初受自其從兄子谷既又集思廣益所造益深清醇蘊藉中卓具風骨正聲瀏亮真意纏綿爲古文亦雅健有法顧蹈躋名場年僅五十以青衿終同志靡不惜之○集中贈余之作頗多語皆過譽余甚愧焉茲擇其兼示同人者錄存一篇以志一時樂羣之雅其餘槩從闕如

恭讀陳文恭先生集

一代天民學飄然羽在雲躬耕戀慈母拜疏謝明君獨抱青山癖寧忘白首勤斯文寓風雅千古辦香熏

素簡瞻遺像飄飄動美髯春風魯曾點秋菊晉陶潛自得煙霞趣誰言道學嚴高山一仰止身世痛鍼砭

肥遯七十載名儒多在門學寧朱子異人仰素王尊妙悟通飛躍精思闡笑言清和渾不覺鄙薄自寬敦

夢理江門棹來登碧玉樓昔賢忽已渺空悵水天秋幸有遺編在真如寶筏求俗儒病章句沉痾豈難瘳

初秋抵羊城承黃香石招飲便登粵秀山率成三律

錄二

君奉慈親洗玉盤我來停棹接清歡欣瞻耆舊真龍馬喜挹諸昆盡蕙蘭和藹共知公藝德珍羞那比少陵餐坐來不覺醇醪醉相對何須酒盞乾

飲罷登臨興劇豪振衣直上徑迢迢南溟雲重天如墜古寺風高塔欲搖苦茗薄澆胸壘塊寒蟬空咽樹蕭條與君幸值承平

日極目秋成喜歲饒

奴子捕鼠不獲

我來穗石經秋冬鼠輩晝夜相橫縱公然上案嚙書卷律以大
辟難姑容讀書欲倦月初落奴子先算能折衝兵法要在斷歸
路四面設敵圍重重伏戎於莽易所戒積薪負固崇如墉搗其
壁壘失所恃扼吭一挺摧頑兇豈知稍縱卽已逝捷若飛鳥
奔恟恟嗟哉衆人之力不能制一鼠而況仗智登蛟龍從來狡
黠易漏網縱嚴伍列難爲庸深山大澤無不有必欲剪滅傷和
雍爲語奴子且休息盎然沛我仁者胸

與諸子訂游白雲

步出城北門遙望白雲山岡巒互迴複杳然蒼翠間我欲凌絕
頂悵然日已闌斜光促回首愁絕局柴關凌晨約我友命酒登

屏顏願言訪安期梅花清且寒仙風動巖谷雲鳥相與還此志
在邱壑念念不能刪行當理節屐把臂窮躋攀

子谷遺草繕錄既訖追念二十餘年寢食與共憂樂同
之今者生死永隔傷已故述其始以及其終言雖多
不雅馴觀者但取其意焉可也

哀哉伯父母斷世惟吾兄吾父受遺命肫肫望其成兄迨登弱
冠我時方七齡隅坐伴兄席愛兄讀書聲督課日以嚴痛兄遭
扑刑閉目不忍視舉袖掩淚零吾父白祖母此子有才情非勞
不爲功無使耽安寧偶然就塾課脫稿千人驚仲父官江南舉
家從之行延師訓我曹此身稍覺輕兄業益以進我質猶頑冥
還家兄已長嚴訓無變更吾父事方劇命兄授我經夏楚不忍
施未聞呵詈聲吾父惡姑息恐此實敗名講席主劉氏晷刻功

無停時兄娶半載負笈來仙城竟年踪跡疎旣歸我懽迎移居
白水村羣山赴柴荆高臺臨清沼叢桂披前楹自此復聚首小
軒一床橫窮經值屢暇騷雅探其精開源溯蘇李獨步推淵明
俗客偶在坐趨避不欲聽凜凜歲易邁一衿俱未青仗劍解鬱
勃旣醉歌獨醒知音不無人連掇泮水英相期在遠大區區何
足榮吾父屆六紀顏鬢無衰形如何甲寅春劇病相纏縈斯須
兄不離背面淚盈盈平生惡祈禱時屢求神靈痛矣屬纊又悲
若失所生豈僅辦一棺喪事殊經營我旣浩無倚兄家亦孤撐
館穀爲我盡衣篋爲我傾終年啖鹽豉殊不知羶腥我心實耿
耿兄意固自平 上皇禪位初多士方彙征我時正居廬望
兄速登瀛寧知數不偶兩戰失鹿鳴兄自棘闈歸聞已小病萌
我過風佩軒尙覺神氣清琅琅誦所作咳唾皆晶瑩誦罷嗒然

坐非復前怍怍所言雖不祥寧忍意外偵秋仲已下旬卜地窮
東溟倏忽數日間方寸如有攪伴來報病重肩輿先戒程小鹿
撞懷中聞見皆非禎入門聞哀號素帷張外庭魂魄忽飄蕩仆
地不得興薑湯灌始蘇淚盡無可增移時始就尸炯炯目不瞑
知兄志尙奢百願酬未曾此生永已矣此志常惺惺大厦吁將
頹一木何能勝兒輩尙幼弱或其可繩繩日月已三周几席塵
埃凝圖書結蛛網殘稿如辰星搜之出穗石寶之若瑤瓊見詩
如見人真有靈爽憑追憶三十載兄弟兼友朋胡爲舍我去獨
行乃景景愴然覘不寐旅舍挑寒燈

薄游偶成同香石

市聲慣聽久相忘忽喜松泉韻更長新臘釀寒成小雨遠山留
客駐斜陽橋西古寺晚鐘動溪北寒林歸鳥忙旅食自來無所

繫故人雞黍笑相將

訪羅璇浦初晤胡玉山承示長句卽席和韻

我來羊城越五月逆旅多作愁中詩自秋徂冬又春半梅花落
剩青青枝偶然得錢卽沽酒無人獨酌空千卮興酣落筆一揮
灑徃徃醉語多支離羅老示我香草句陡覺藹藹香生帷造門
把臂卽若故物以類聚人則嗤有客天才更奇絕波濤入筆驅
文辭滔滔汨汨出舌本瀾翻讀者肝與脾坡公一語輒驚眾不
櫻世忌胡能爲無乃蜉蝣撼大樹譬若俗手羸秋碁侑以清樽
和長句下士聞而大笑之

題楊孺人寄遠詩後

并序

孺人姓楊小字如梅同邑茂才黃蔭芳之妻而吾友
香石之從嫂也善屬文能詩工奕精書年六歲父遺

就女塾甫一載卽卒業四子書女孝經及毛詩父以
花陰堪避暑命對卽應聲曰繡閣不知寒其幼慧如
此于歸後持家勤儉事上接下能敬且和以故得一
家歡處事尤精敏雖老成練達之士不多讓焉香石
嘗稱其言論風旨落落有丈夫槩雖資性過人要其
學問之力不可誣也丁巳冬予客穗城香石以孺人
六絕見示不淫不傷得風人遺意卽孺人可知矣是
不可以不傳

俗艷紛紛競擅名災梨禍棗有誰評猗蘭正得幽人意空谷無
人月自明

人如秋水心逾淡詩比梅花韻更清浣罷薔薇月中露隔簾應
拜女先生

冬日同諸友登粵秀山至白雲山夜宿九龍泉上次日

通覽三十六峯之勝而歸

能令委頓轉優游小醉清吟寫快遊踪跡片雲周八極團圓一
榻卽千秋前來人事真堪憶此夜泉聲仍自流木葉蕭蕭山月
冷一聲元鶴下滄洲

戊申曾隨先君子伯兄子谷暨陳姚宗先
生李菊水同學一遊

重霧茫茫萬頃遙抵寒乘月據岩堯不知何處分滄海惟有孤
峯在碧霄鳥夢無驚九龍水雞聲如報五更潮道心此際依微
長可與山靈話寂寥

稜稜絕頂訝摩星導我前來不用僧雁嶺北來山似馬虎門南
盡海如澠欲登岱華知何日况渡滄溟未可乘但使誅茅傍雲
石也應身世等飛騰

盤盤鳥道互高低攀葛捫蘿度月溪右相勲名還土木

是時蘇氏正修

月溪 老臣歸去有招提山光倒照潭逾淨樹影叅橫徑欲迷試
茗茅庵貪小憇主人遙指路東西

奇巖陡絕鄭仙居何日仙人降碧虛囊裏不分秦帝藥山中却
笑子房書少君授棗原非幻商老餐芝恐不如九節菖蒲無舊
種閒花開落遍僧廬

遍歷羣峯景盡收今年差不負茲遊每當選勝尋幽處兼有懷
人弔古愁急景屢驚飄白日大江遙望阻歸舟何如重訂梅花
約各辦青銅掛杖頭

久別羊城諸友值香石將歸省親擬附其舟以行

每夢雲山碧海頭霜風吹入一宵愁經年故侶多遼闊明日孤
帆定去留淡淡斜陽荒驛遠蕭蕭落葉大江秋扁舟若許同攜
楫又作平原十日遊

奉懷劉樸石先生藉示胡玉山劉三山黃香石

古賢今何人吾師子劉子質如金玉精品復岱華峙早達人所
欽華望卓南紀豈知四壁立落落故窮士重以棘人痛一貧乃
至此守貧固優爲其如缺甘旨生年未三十華髮到兩耳憂本
能傷人撐拄况勞止兀兀幾一年獨抱干謁恥揮豪遣窮愁跌
宕造妙理檢書累長夜襟期淡流水吁嗟乎先生教我良多矣
小子不成章狂簡絕知己自從先生遊聞見日增美乃知師友
益萬金價無比二山及一石槎枒肺肝裏豪懷薄雲漢逸氣翔
濛汜坐是俱蕭條造物太忍爾磨礪其圭角陶鎔其渣滓繫維
先生功他人莫思議別來破一月相思邈難已蒼茫魂夢勞恍
惚談笑喜鷄鳴水天白寒月猶在几新詩托雙魚謹當書一紙

送萬湘曲歸江西七首

錄一

話別匆匆意若何思親夢付粵江波嗟予久抱椿萱恨寸草春
暉羨爾多

擬古

結褵事君子晨夕多歡娛登堂奉公姥禮節靡敢踰感君綢繆
意賤妾忘飢飭君愛日以深妾心日以驕君寵正專房善戲解
虐嘲君知賤妾軀白璧無瑕瑜誓言許偕老無使泣路隅見時
加餐食別久長相憶

秋夜有懷

涼颼一以發蕭蕭秋滿林不謂美人遠依然江水深如何此遙
夜又聽亂蛩吟

戲馬臺歌

世間拙計那有此不都關中作天子韓生烹後沐猴驕彭城歸

去高臺起當時附驥不無人八千子弟空江水烏騅導衆爭騰
驤並驅中原輸漢王江頭一夜駿馬死自取焉得嗟天亡雄圖
寂寞忽千載江漢長流人盡改驪黃牝牡沙塵中颯颯如聽嘶
秋風當塗以下無真龍代典午者稱英雄縱橫晉楚加九錫老
奸不比重瞳公百年鞍馬塵盈面多暇登臺集文彥況逢佳節
正重陽弔古悲歌更張宴一時詞客太紛綸把酒揮毫劇酣戰
項王戲馬無復存宋公歌詞猶得見嗚呼人生所貴在不朽富
貴繁華竟何有試看巍巍戲馬臺楚宋興亡付杯酒

感秋

涼風動高樹庭際落葉多撫景惜時邁我懷悵如何聲華豈不
美白璧期琢磨其中隱瑕疵安得欺下和急銜擲泥塗疾步常
坎坷所以古哲人棲志在巖阿

憶昔七首

世俗靡靡家政不修官箴不肅必舉哲人以示戒或
以爲陳言宜務去也故卽昔所聞見於父兄師友者
被以古韻庶近而可入焉

憶昔弱齡時和氣充庭幃大母躋耄耄皤皤黃髮垂我父日承
歡甘旨隨其宜忽然戴素冠三載有餘悲盡禮古所難孺慕不
可移 先君子杜榮公

舅氏以祿養孝德和且純一捧毛義微田園奉慈親晨昏勤省
視油然而任天真朔風吹萱花哀痛難具陳珍羞稍羅列對之含
悲辛斯人亦云亡此道無乃淪 鈍園黃公諱應南鄉薦官知縣

黃公少貧賤館穀供滫隨重以萊婦賢牛衣同臥起養親不及
祿此恨杳無已撫姪如己出教育亦勞止作宦二十年兩袖清

如水鼎哉爾後人何以紹先美

翼堂公紹統鄉薦官教授

衆流薄古道吾兄行自敦明發懷二人事叔如事親兄弟各孤
立我生同不辰提攜一以摯憂樂不異身吾將問真宰胡殲我

良人

先兄子谷諱天根邑廩生

東方有良士常懷君子憂千日飽藜藿百金買羊裘買之以被
誰老父六旬周人生無百年人子心悠悠朝朝陟崇岡哀哀向
松楸

季良先生嚴介歲貢生先君子弟子也

薄俗不肯爲卓然見豪傑我有同門友和光隱介節閨門信雍
雍兄弟猶切切不惜千金產養殮共怡悅視彼閭牆人錙銖計
何屑疇能呼之覺萬事隨變滅

佩之何元珣邑諸生

義門盛賢哲長想淮安公弱冠稱孝友筮仕則匪躬常祝百姓
康每愧居處崇教稼法后稷布政思黃鰥累官二千石淡然寒

士風甘棠思召伯俎豆其無窮

竹坪鄭公基守淮安郡遷觀察使

閣夜

酒醒夢亦覺起視霜月寒前峯入戶牖
夜色何蒼然皎皎冬夜長復寢不成眠
世途乃九折所思無定端小人何戚戚
君子自閒閒無心與物競終已得所安

十月念一日卽事感興

連年作客芙蓉館歸去芙蓉今始花
小閣桐陰全讓日半窓花意欲蒸霞
天南此月春猶在歲暮懷人道更賒
結習破除終未得肯令香國淨鉛華

同香石小飲罷至張溪李吉士書齋留宿四首

錄二

無肉何妨飲故人同扶薄醉步黃昏
燈明曲港漁初飯吟罷蕭齋客到門
攜有新詩互相質祇應妙契在忘言
山窓坐對成佳

話隔壁村春夜自喧

眼中如此意相傾笑看橫天北斗明半壁山頭殘月上三更溪
面夜潮生書叢每仗羣公力人海應留獨行名却怪昌黎仍結
習作詩餘事底關情

送客返羊城舟次卽事

送客三百里推篷岐水中雁聲舟夜月燈影柁樓風破曉輪光
湧連天海氣紅揚舫謝煙阜遙指白雲東

荅玉山見懷次韻兼呈吉士三山香石

素交慨時寡悠悠競相欺虛心采衆論三人必有師是己而非
人訑訑我所嗤冉冉惜年邁行邇無聞時身謹履冰戒言咏白
圭詩搔首念良朋雅意相箴規華藻懼零落誠篤能維持始焉
蟄蚯蚓終乃騰蛟螭人事固不易天道每若茲陋哉雕蟲技徒

爾勞心思妙理無不具在在爲吾資一靜制萬動精神無所虧
勉旃勿頽委何獨我與而以告二三子末路以爲期

女郎

女郎二八傾城姿鏘鏘環珮來何遲翹顫金珠光陸離瓊華插
鬢香澤滋綠錦半臂紅袖垂弓鞋窄窄巧轉移春山一稜橫翠
眉秋波盈盈何所思殷勤眄睐將通辭嫣然一笑還深閨羊車
擲果今爲誰貯以金屋張繡幃

書黃仲則詩後卽用其寄麗亭韻

五岳凡三陟九州剛八經遨遊終失路著作未登庭感激燕臺
駿悲歌楚澤靈夜來開劍匣猶動斗牛星
天自生才好生才亦可悽君招造物忌名使古人低落落詩篇
異茫茫泉路迷不平魂更烈恥化子規啼

此日書事

客歲如春暖今季破曉寒閣雲風意重戰樹葉聲乾醒宿排朝
飲詩新寄古歡柴門車馬少吾得臥江干

瓶笙詩

何佩之倣東坡作瓶笙詩予未之見也亦試爲之因
劉簡在以寄佩之

補亡不學東廣微由庚華黍人或嘔上昇不學王子晉緱山乘
鶴無歸期碧簾疏簾夢初覺呼童汲取清漣漪博山旋撥分熟
火銅瓶位置平不欹掩書引几仰天噫耳目超曠心神怡白雲
在空影在地何人嫋嫋吹參差青煙縷縷出花外化作彩鸞遊
洛伊奚童進茗悄終曲低頭忽悟東坡詩乾坤萬籟盡瀟灑施
贊列管空爾爲詩成莫與賞幽獨書寄故人何佩之

送劉三山北上

三山飄然有道骨文章脫灑不可羈氣之所至筆欲舞牛溲馬勃皆神奇奔蹏縱逸俗子怖九方相爲八駿姿皇路乘酣騁高足凡馬徒與爭驅馳我之識君今五載相見卽喜別卽思高歌對酒青白眼獨與山水無乖離今年喜住君書屋非君固有敵我師判羊无血我不信變豹有象君奚疑出關久三山爲予卜得土卦羊无血予爲三山卜得我方返棹十餘日君之報至喜欲癡吾時不利信有君子豹變數君才獲雋真可期高堂喜悅動顏色往事辛苦無酸悲早攜書笈度梅嶺梅花猶可寄一枝壯遊豈足計資斧釋子瓶鉢爲生涯粵南燕北幾萬里到處爲我先留詩春官一第亦易耳仕路出處當思維文章報國吾黨事誰不可取蜚弧旗不然竟作隱退局買田陽羨供家慈惟君所擇必居一行矣尙慎風霜欺

羊城送春

客子離家三百里仙城獨坐春風裏東君不惜別故人暗度虛
空疾如駛昨夜君來扣綠窓夢中驚起剔銀釭依稀聞有遠行
意遣我新開白玉釭新開玉釭澆離袍君不飲兮忽已老宵關
却駕紫騮駒月明猶照垂楊道參差陌岸飛紅英杳杳江天無
限情芳樹流鶯啼別恨畫梁語燕作離聲憶昔與君逢海上官
舫輕寒綠波漾匆匆負此九十期欲留不住空吟望春江風雨
忽霏霏一年一度送君歸獨向旗亭感青髻日暮柳花吹客衣

十四夜月寄香石

閒軒得月多妙處在葉縫微風一以吹葉動光亦動依依入我
室悠悠發吟諷螻蟻亦何知綠枝快遊縱萬物各有安卽事多
所中之子處遐遠良夜誰與共寸心托清光照我美人夢

謝侯竹溪贈梅

歲晚苦人爭鹿鹿得借清齋避塵俗紙窓竹屋燈火青半夜高
歌茗煙綠破曉開門天欲雪聞道梅花滿山麓長松落落伴高
寒野鶴聲聲助幽獨竹溪贈我一枝來骨瘦神清立如玉古瓶
不俗見孤標書幌無塵散寒馥何物師雄托爲夢濫以美人相
混濁與之爲友不稱渠從今合把仙書讀竹溪大有梅花癖屋
後梅花高等屋竹卽梅花花卽竹同是亭亭在空谷

夜過天王橋偶占

月落星稀行路難古橋人迹夜茫然帝於南渡終來粵主在春
秋尙紀天白鴈歌餘空逝水荔枝紅過但寒煙殘山半壁天涯
盡惆悵蒙塵駐蹕年

嶺南羣雅

筆耒軒吟稿

附

劉心齋先生著

先生諱善士一字雨亭晚號雨牕番禺人

世姪謝蘭生填諱并註

男彬華校

登十里峯

伏枕新興縣扶筇十里峯江天浮白遠煙樹得青濃渴愛山泉
汲荒憐古寺封龕僧應人定不送幾聲鐘

舟出新興江口

推篷豁然秋水浩一碧衆山紛倒影蒼翠墮舷側高峽幾仙
鬟可望不可卽我行幾由旬故山儼咫尺不得歸客思轉

惻惻平生遊汗漫鴻爪隨所適獨懷白髮人門閭倚朝夕去去
端州城江風滿帆席

除夕述懷

負米身猶健團年宴未闌半生三白飯明日五辛盤吉語題春
帖鷄聲破曉寒東風舊相識早爲汎崇蘭

閣上望玉壺山

一名綠護屏山

沈寥天半度歸鴻綠護屏山暮靄中聞道白沙遺跡在釣臺千
古自春風

人日寄內子

客路逢人日離家月已三遠游吾有恨靜好汝無慙待子惟粗
糲頤親必旨甘遙知慈竹畔碧草兆宜男

謁楊椒水墓

佳城鬱鬱草離離
拂薜牽蘿讀墓碑
直道不隨流俗轉
孤踪真與古人期
交情到死方爲友
董君楚南爲之殮楚
傲骨成灰尙待兒
異域青燐徒抱恨
白楊影裏不勝悲

訪徐芑洲

黃雲山下布帆開
紫水洲邊雪浪堆
爲有故人新示疾
不辭風雨過江來

清遠道中

濛濛烟雨中隱隱見城郭
羣山環其背蒼翠露一角
大羅與小羅日眩認轉錯
濃雲如潑墨着意染邱壑
扁舟溯中流水石相擊搏
悠悠攬勝情一任風湍惡
明逕觀亭山登眺小衡霍

水仙不繁小奚襍
以蒿萊花白瓣黃蕊頗相類
客愛之粹不能辨感成一律

採自春畦裏移來幾几中栽培吾道重點綴小人工老眼雖能
混仙姿未許同繁華開頃刻容易散東風

客夜感懷

定省虛三月燈前有所思遙知兒讀夜未是母眠時健飯書頗
報依人遇可悲歸帆如早挂又學老萊嬉

謝陳雲子明府霽惠羹

地僻行厨寂貪饕腹正枵大烹慚不稱小飲愛相招重以一盞
餉因之五齊調鄙人幸有母馳奉惜途遙

塵鏡

誰遣菱花鏡輕塵積漸生偶然蒙垢翳終不累空明一拭全昭
質重教見太清靈臺須炯炯借鑒在容成

羅陽道中

沙白江清好蒲帆一幅斜亂流爭澗石疏樹出山家雲碓晚猶
響木棉春正花夕陽明屋角林際噪棲鴉

自河源歸里度歲

又上籃輿去歸程迫歲闌繁霜入雙鬢獨客度千盤日暮浮嵐
遠林疎野店寒無人具鷄黍甘菹且加餐

過墨硯洲

一硯終傷潔端應擲碧磚多情河伯浪無憾昔賢心雙峽猶風
雨孤懷自古今潺湲洲際水長似奏官箴

偶憇蓮塘老農過訪

小憇蓮塘墅科頭來丈人眼中鬚鬢古話裏性情真耒耜傳三
世蠶桑老一身薜蘿清夢穩憐我走風塵

漫興

僻愛山園縣清宜竹繞居欄花常愛客簷鳥似窺書一枕茶聲
裏孤吟月上初但能閒似鶴遑問食無魚

舟泊蘇堤風雨大作感而成韻

耳畔俄驚萬籟號狂颼吹送海雲高宗潏翠岫飛寒瀑詰曲清
溪捲怒濤未散濕烟堆屋角故牽釣艇過城壕老夫慣歷風波
險穩坐蓬窓例濁醪

舟中卽目

吟情無限夕陽低倚枕推蓬眺遠堤一片綠雲飛不起草芽肥
處馬頻嘶

新寧署齋梅花盛開忽憶岡州舊遊

踏月攜筇憶舊遊相逢綈袂儘淹留板橋虛閣題詩處疎影而
今好在不

乙卯秋余移榻鶴山署齋署後有園緣蘚徑入數十步
有旋碧亭面山背郭松篁羅列青翠欲滴亭側有二
沼一養魚一植芙蕖陶明府鑑雅愛種花養魚有仙
尉孟公烈亦極風雅邀飲其上致足樂也得詩二首
危亭高築倚雲鬟繞徑松篁不掩關盈沼碧涵三尺水對門青
擁一房山鳥啼花放生機暢魚躍鳶飛大道閒高詠幸陪彭澤
宰自慚綺語未能刪

豪情仙尉最忘形特地攜樽過小亭竹雨飄蕭來綺席荷風菰
藹透疎櫺功名詎敢輕梅福志節何當擬管寧黃綬翩翩曾入
幕對君書劍惜飄零

望鳬崙二山

在鶴山縣

漢時東郭有仙蹤我欲凌風躡景從桃李花深不知處但看雲

表臺雙峯

寄何榕湖

延璧

交道鮮真意，知心獨有君。如何咫尺地，似隔數重雲。鄙吝吾何敢，箴規久未聞。近傳方正士，已舉郅參軍。

聞邵人公舉榕湖孝廉方正

端州產黃芽，白白塔菰種也。乞惠于友，詩以代柬。

侯鯖已屬饜仙膾，徒悅口何如。咬菜根淡泊滋味久，端州有嘉蔬分種。冀青藪不知黃芽白，錫名肇誰某。連畦霜後肥，厥利比農畝。晴沙兩岸明，露擔千村走。憶昔渡江來，維舟求奉母。今無倚閭人，何必旨且有。却憐腐儒餐，需此代早韭。我慚賣菜傭，君如灌園叟。願乞滿籃歸，引領先拜手。詩成付僕去，江水碧於酒。

汪芥山明府

斌

過訪

閉門欹枕病相如，折柬先勞問起居。好續蘇堤清夜話，不勞錦

水寄雙魚

蝶投蛛網解之飛去有感而作

浮世多塵網憐他粉翅侵幸全輕薄命不死治游心栩栩穿花
徑翩翩過柳陰莫誇生意滿前路綠蘿深

鶴山尉孟秋賓烈齋中賞菊卽席賦贈

秋林葉脫青山麓傲霜獨賸東籬菊題糕節過劉郎豪獨倚西
風豁心目西風蕭瑟花有情顏齡欲制須餐英竭來鶴嶺識仙
尉邀我飄館尋詩盟種花學得郭陀秘蕭散何嫌抱關吏千紅
萬紫任漫山老圃寒香洽幽意羨君愛花如飲醪我亦就君同
擘螯銜杯笑問東野子此花孰與儕孤高算來祇有陶彭澤遠
性風疎千古匹莫辭沉醉盡千鴟開後無花真可惜嶺南幸有
隔年春記取橫枝竹外新待攜招鶴亭邊客重約騎驢雪裏人

自題蕉窓聽雨圖

我媿非儒生託志癖幽潔蘭蕙蕉竹桐皆性所怡悅就中尤愛
蕉翠幕彌天綴虛牕一亭敞濃陰四圍列俄聞山雨來衆響動
寥泝爐香茗椀間萬想一時滅我耳如滌流我心如沃雪我足
如攬雲我意如貯月年來讀楞嚴頗悟真如訣是身本無實斯
理我能說壯已不如人老矣當守拙繪圖誌吾字真境匪虛設
披圖識吾面真我曾別

先君子少孤食貧力學屢試不售爲入幕賓廉介自
持秉筆洗冤兢兢惻惻不辭心力之瘁事 先大母
以色養四十後猶孺慕不徒滯隨處最所交悉道誼
友與孝廉方正何榕湖先生尤稱莫逆遇交人倒屣
若不及談藝則神動色飛壺壺忘倦性耽吟咏游跡
所至輒登眺留題論詩尊杜白蘇陸本性情而出以
雅音斷合平溫柔敦厚之旨筆求軒吟稿二卷晚年
再加刪節但存二十餘篇彬華少而語調時不
謹附錄是集之後伏祈 大雅正焉嘉慶癸酉
彬華謹識